



МЕСЯЦА ДЕКАБРЯ В 7-Й ДЕНЬ

**Иже во святых отца нашего Амвросия,
епископа Медиоланскаго**

Аллилуия или тропарь.

На Господи, возвах: стихиры Амвросия, глас 1.

Подобен: Небесных чинов:

Гладычества престол украшая добродетельми, / от вдохновения Божественна / священноначалие подобне приял еси; / темже верен строитель благодати / во обоих, Амвросие, быв, / сугуб венец наследовал еси.

В воздержании, и болезнях, и во бдениих мнозех, / и молитвах спротяженных / душу и тело очистил еси, Богомудре, / сосуд прочее избран явився Христу Богу, / апостолом равен явлься, / восприял еси дарования.

1 Благочестиваго царя, согрешивша иногда, / яко Давида Нафан, дерзновением обличил еси, / Амвросие всеблаженне, / сего яве отлучению подложил еси / ² и, покаянием наказав Боголепно, / ² сочислил еси пастве твоей.

**Ины стихиры Богородицы, глас и подобен тойже:
(Аще Аллилуия: сии стихиры поются прежде.)**

Жезлом Твоего предстательства, / Богородительнице Чистая, / звериные страсти окаянные души моея отжени / и, отвсюду мирно к жизни мя управляющи, / святому стаду / избранных Твоих овец причти.

Яко помóщница Ты еси́ беспомóщных челове́ков, / яко наде́жда еси́ всех ненаде́жных, / решéние, Богорóдице, в лóтых / и помóщь мне б́уди, / грехóв и бед, яко м́лостива, / избавля́ющи мя, Преч́истая.

Всегубительных страстéй мо́их огнепáльная стремлéния / росóю Божéственною, / вóльным одождéнием тво́им угаси́, Дéво; / да и аз, якоже óтроцы, / Бóга, из Тебé рождéннаго, благодарю́ / и сла́влю и благословлю́ благодáть Твою́, Влады́чице.

**Сла́ва, и ны́не, Богорóдичен,
глас и подобен то́йже:**

Нра́вом гнилы́м попóлзся, ниц лежý / и к Твое́й, Дéво, притека́ю тишинé, / от б́ури сопроти́вныя / и искушéний многообразных мя изба́ви, / да пою́ Твою́ благодáть непрестáнно, / Богорóдице Мáти, Приснодéво.

Крестобогорóдичен. Подóбен то́йже:

У Крестá предсто́ящи Сýна и Бóга Твоегó / и долготерпéние Тогó смотря́ющи, / глаго́лаше, пла́чущи, Мáти Ч́истая: / увы́ Мне, Ча́до Сладча́йшее, / что сия́ стра́ждеши неправедно, Сло́ве Бóжий, / да спасéши челове́чество.

На стиховне стихиры Октоиха.

Тропа́рь, глас 4:

Пра́вило ве́ры и о́браз крóтости, / воздержáния учите́ля / яви́ тя ста́ду тво́емý / я́же веще́й йстина. / Сего́ ра́ди стяжа́л еси́ смире́нием высóкая, / нището́ю богáтая, / óтче Амвро́сие, / моли́ Христа́ Бóга, / спасти́ся душáм нáшим.

НА УТРЕНИ

Оба канона Октоиха. И святаго канон на 4, глас 4, егоже краегранéсие: Всевели́каго Амвро́сия восхвалю́. Творéние Ио́сифово.

Песнь 1

Ирмо́с: *Мóря чермнóю пучи́ну / невла́жными стопа́ми / дрéвний пешешéствовав Изра́иль, / крестообразны́ма Моисéевыма рука́ма / Амали́кову си́лу в пусты́ни победи́л есть.*

Божественными светолітїи, преподобне, облистаемь, / светлое, и светоносное, и святое твое уснение / благочестно чтущия твоими молитвами просвети.

Слово Божие премудрости тебе слово дарова, / украшенное знанием истинным, иерарше Амвросие, / еретичествующих безсловесное отражая зломыслие.

Ума твоего зрительное, пребогате, / предпочистив от страстных мглы, / приятно чистых блистаний Всесвятаго Духа соделал еси, всеблаженне.

Всемудрыми и священными твоими догматы / ариемудрственную отгнав пагубу, / яко пастырь, на злце упасл еси Православия, всемудре, / словесныя твоя верою овцы.

Богородичен: Безсеменно Отчею волею от Божественнаго Духа Божия / зачала еси Сына и плотию родила еси, / из Отца безматерня и нас ради из Тебе безотча.

Песнь 3

Ирмос: Не мудростию, и силою, и богатством хвалимся, / но Тобою, Отчею Ипостасною мудростию, Христэ: / несть бо свят, паче Тебе, Человеколюбче.

Величайшу благодать от Бога прием и силу, / твоим чувственным прикосновением различных страсти, отче Амвросие, исцелял еси приходящих к тебе.

Научен, яко иерарх Божественный, преподобне, / всякое разумение Писания / неведущим, отче Амвросие, неудобопостижная яве уяснил еси.

Тебе, мудростию духовною сияюще, / несмысленно приблизитися дерзостно сквернейшую устремляющуюся / скорейше умертвил еси Божественным приглаголанием.

Богородичен: Род человеческий обновила еси / Единая, рождши естества нашего Содетеля же и Господа, / темже Тя славим, Богорадованная.

Ин кондак, глас 8.

Подобен: Взбранной:

И зрядно слово жизни стяжав, отче мудре, / не усумнеся высоты царския, богонаказательне

царя обличй и умудрив. / Тем паче чѣстне почтѣся и людѣй своихъ пѣству къ Бѣгу настави. / Сего ради зовѣмъ ти: / радуйся, Амвросіе предивне.

Седáлен, гласъ 8

Подобен: Премудрости:

Пророка Илию ревнообразуя и Иоанна такожде Крестителя, / мужески обличилъ еси царя беззаконновавша, иерарше; / Престолъ Божественне украсилъ еси и чудесъ множествомъ миръ обогатилъ еси. / Тѣмже, и Божественными Писании наученъ, верныя утвердилъ еси / и неверныя обратилъ еси, иерарше Амвросіе, / моли Христа Бога прегрешеній оставленіе даровати / празднующимъ любовію святую память твою.

Слáва, и ныне, Богородичен:

Помышленными поползохся лукавыми, во глубину впадохъ греховную / и, стенья, взываю Ти отъ сердца, Пречистая: / на мене удивилъ богатую милость, / и Твоего милосердія неизмерную пучину, / и щедротъ Твоихъ неизчетное богатство, / и даждь ми покаяніе и прегрешеній прощѣніе, да любовію взываю Тебѣ: / моли Христа Бога прегрешеній оставленіе даровати ми: / Тя бо надежду имѣю, рабъ Твой.

Крестобогородичен:

Агнца, и Пастыря, и Избавителя Агница зрящи на Крестѣ, / восклицаше, плачущи, и, горько рыдающе, вопияше: / миръ убо радуется, приѣмляя Тобою избавленіе, / утроба же Моя горитъ, зрящи Твое распятіе, / еже терпиши за милосердіе милости. / Долготерпеливе Господи, милости бездно и источниче неисчерпаемый, / умилосердися и даруй согрешеній оставленіе / верою поющимъ Божественныя страсти Твоя.

Песнь 4

Ирмосъ: Любве ради, Щедре, Твоего образа / на Крестѣ Твоемъ сталъ еси, / и растаяшася языцы: / Ты бо еси, Человеколюбче, / крепость моя и хвалѣніе.

Иерархъ показался еси, / помазався миромъ священства, совершая священники, / всемъ спасительное даруя очищѣніе.

**Соблю́л еси́ па́ству твою́/ от вся́каго вре́да
проти́вных, блаже́нне,/ и А́риеву лествь всю́ омра-
чи́л еси́ сия́нием словес твои́х.**

**Ду́ха си́лою огражде́н,/ лука́выя отгоня́еши
зло́бы, всеблаже́нне, ду́хи,/ не терпя́щия твоего́
запраще́ния.**

**Богоро́дичен: Вся во́лею соде́тельствова́вый,
соде́тельствуется хотя́ от чи́стых Твои́х крове́й,
спаса́я ве́дущия Тя, Чи́стую Богома́терь.**

Песнь 5

**Ирмо́с: Ты, Го́споди, мой Свет,/ в мир пришёл
еси́,/ Свет Святы́й, обраща́яй из мра́чна
неве́дения/ ве́рою воспева́ющия Тя.**

**Ум, сия́ющ Све́том невеще́ственным, стяжа́в,
облиста́л еси́ врачевáний и чуде́с зарí, Амвро́сие
блаже́нне.**

**Воздвиѓл еси́ тебе́ сама́го свяще́нное жили́ще
Ду́ха,/ разори́л еси́ хра́мы идо́льския, Амвро́сие
Богодохнове́нне.**

**Велича́йших добродете́лей светозаре́нием сия́-
юща,/ постыде́шася ца́рие тебе́/ и преде́ла я́зыка
твоего́ не поколеба́ша.**

**Богоро́дичен: Хотéнием все му́дре соде́ловая,
хотя́ обновíти челове́ки, Де́во,/ в Твою́ утробу́
всели́ся.**

Песнь 6

**Ирмо́с: Пожру́ Ти со гла́сом хвалéния, Го́споди,
Церковь вопиéт Ти,/ от бесо́вския крове́
очи́щися/ ра́ди ми́лости от ребр Твои́х/ истék-
шею Кро́вию.**

**Рим тво́я честна́я благохва́лит исправлéния:
я́ко бо звезда́ светови́дна,/ всю́ду лучи́ чуде́с
твои́х, иерáрше, испусти́л еси́, ве́рно удивля́емь.**

**У́треневав ко Христу́, та́мо сущими́ светлосты́ми
озари́лся еси́ богáтно,/ и Све́та напо́лнился еси́
Божéственнейша,/ и просвещáеши ве́рно чту́щия
тя всегда́.**

**Тéло и ду́шу твою́ Бо́гу освяти́в,/ и приятно́
соде́лал еси́ дарова́ний, о́тче, твоё се́рдце,/ непре-
ста́нно внёмлю́щее сла́дкому желáнию.**

Богородичен: Исцели души моея, Дево, язвы, /
осенением Твоим Божественным / и ум мой просвети, /
омраченный леностию и злобою врага борца.

Кондак, глас 3.

Подобен: Божественныя веры:

Божественными догматы облистая, / помрачил еси Ариеву прелесть, священнотайнниче и пастырю Амвросие; / чудодействуя же силою Духа, / страсти различныя яже исцелил еси, отче преподобне, / Христа Бога моли спастися душам нашим.

Песнь 7

Ирмос: В пещи Авраамстии отроцы персидстей, /
любвию благочестия паче, / нежели пламенем, опаляеми, /
взываху: / благословен еси в храме славы Твоея, Господи.

Божественное вещание твоих догматов, отче всеумдре, /
якоже молния, пройде всю землю / и чудес показаньми, /
яко свет, облистая, / яже во мrance сердца просвещающее.

Законоположением Спаса ты последуя, отче, /
данный тебе талант, яко раб блажайший, тщатель-
но умногосугубил еси, / Владычния сподобляемь радости.

Изострив Богословный твой ум, / струи священ-
ных догматов, яко реку, испустил еси, / напоая верных
исполнение, священнотайнниче отче Амвросие.

Богородичен: Се, Дево, во утробе Твоей зачала еси Слово, /
Отцу собезначально, / и плотию породила еси дарующее всем
воззвание, / сущим из Адама падшим, Всенепорочная. **Песнь**

Песнь 8

Ирмос: Руце распростер, Даниил / львов зияния в рове затче; /
огненную же силу угасиша, / добродетелию препоясавшися, /
благочестия рачители, отроцы, /
взывающе: / благословите, вся дела Господня, Господа.

Умертвив уды и мертво плотское мудрование соделав, /
душу оживил еси, преподобне, / и источник чудес источил еси
умерщвлённым от стра-

стей, / жизнь подаючи вопиющим: / благословите, вся дела Господня, Господа.

Уведел еси преставление, мудре, еже от телесе, Божественным Духом, / пророчески бо сие сущим с тобою сказал еси / и радостно на Небеса, вопия, востекл еси: / благословите, вся дела Господня, Господа.

Тело, и сердце, и ум предпочистив от страстей смешения, / огненосну лучу свыше приял еси Духа, / якоже Божественный ученицы, вопия, Амвросие: / благословите, вся дела Господня, Господа.

Богородичен: Явилася еси превышши Небес, Бога Небеснаго породивши, / земная, Пречистая, Небесным совокупльшаго / и познание Свое всем подающего, вопиющим: / благословите, вся дела Господня, Господа.

Песнь 9

Ирмос: Камень нерукоотсечный / от несекомых горы, Тебе, Дево, / краеугольный отсечеса, / Христос, совокупивый разстоящая естества. / Тем, веселящеса, Тя, Богородице, величаем.

Видел еси, во изступлении быв, / вечныя святым, отче, лежащая почести; / к нимже прешел еси, восприем твоих трудов, славне, воздаяния, веселяся.

Яко грозд зрел, Богомудре, / в точилех Горних достойно сокровиществовался еси, / источая бессмертия вино, Амвросие, / и врачеваний дарования благочестно к тебе притекающим.

Тя, златозарный отче, Божественнаго Духа светильник, / свет благочестивых учений и врачеваний лучу испущающ / и верныя просвещающ, велегласно ублажаем.

Днесветлую ты звезду Церковь стяжавши, / тьмы избегает всякия, всеблаженне, лести / и, светлостми священных твоих догматов озаряема, блажит тя.

Богородичен: Глас Тебе вопием, Дево, радостне Архангелов: / радуйся, проклятства разрешение лютых всех; / радуйся, избавление, / земныя обожившая паче ума Рождеством Твоим.



Святитель Амвросий, епископ Медиоланский, родился в 340 году в городе Трире в семье римского наместника Галлии и Испании. В младенчестве его было открыто, какую пользу принесет он Церкви Христовой: однажды лицо спящего в саду младенца покрыли пчелы и, не причинив ему вреда, улетели, оставив на языке мед, во исполнение слов Писания: «Сотове медовнии словеса добрая, сладость же их исцеление души» (Притч. 16, 24).

После смерти отца семья переселилась в Рим, где Амвросий и брат его Сатир изучали юриспруденцию. На 25-м году он был известен как лучший адвокат Рима. Римский градоначальник обратил внимание на выдающиеся способности и красноречие Амвросия и взял его к себе в помощники. Около 370 года Амвросий был назначен консульским префектом (наместником) Лигурии и Эмлии (области Римской империи).

В 374 году умер епископ города Медиолана (Милана) — арианин Авксентий. После его смерти обострились раздоры между православными и арианами. Для примирения враждовавших жителей прибыл в город Амвросий. В соборе, где избирали

нового епископа, Амвросий со всей силой своего красноречия стал убеждать народ в необходимости согласия и мира. Вдруг младенец, еще не умеющий говорить, закричал: «Амвросий — епископ!» Крик его был единодушно подхвачен всеми присутствовавшими. Амвросий же не считал себя достойным архиерейского сана, так как еще не был просвещен святым Крещением и состоял в числе оглашенных. Он пытался отказаться от сана, но, по настоянию народа, принял Крещение и в течение семи дней прошел первые ступени церковной иерархии, а на восьмой день, 7 декабря 374 года, был рукоположен в сан епископа. На его хиротонии присутствовал император Валентиниан I (364—375).

По принятии сана святитель Амвросий раздал все свои деньги нищим, а имения передал Церкви. С самого начала своего служения он явил собою пример подвижника, проводящего жизнь в неустанных трудах, молитве и посте, который прерывал только по субботам, воскресеньям и великим праздникам. Святитель покровительствовал инокам, заботился об учреждении женских монастырей, которые тогда только начали появляться. Однажды, приехав в Рим, святитель совершал Литургию. Во время его молитвы некая больная женщина поцеловала край его ризы и чудесным образом исцелилась. По христианскому незлобию он исцелял и врагов: когда подосланный арианами человек пытался убить святителя, рука злодея внезапно засохла; Амвросий же исцелил его и отпустил с миром. Во Флоренции святитель воскресил умершего отрока.

Святитель Амвросий неустанно боролся с арианской ересью, которая усилилась из-за покровительства Иустины, мачехи императора Грациана (375—383). Когда святитель собирался посвятить во епископа города Сирмия православного Анемия, ариане пытались помешать этому. Иустина подслала наемную женщину, чтобы та всенародно оскорбила святителя Амвросия, но она внезапно умерла.

В 383 году в Галлии вспыхнул мятеж: император Грациан был предательски убит военачальником Максимумом. Престол перешел к сыну

Иустины, юному Валентиниану II (383—392), но мятежник Максим грозил походом на Рим. По просьбе Иустины святитель, рискуя жизнью, отправился к Максиму и убедил его не нарушать мира. Иустина отплатила святителю неблагодарностью: от имени сына-императора она потребовала отдать во владение арианам медиоланский собор. Святитель ответил решительным отказом. Тогда Иустина приказала воинскому отряду занять собор силой, а епископа изгнать. Святитель Амвросий с народом затворился в соборе и три дня провел в непрестанной молитве и пении гимнов, и воины ушли.

В сердцах прихожан особенный отклик находили проповеди святителя в храме. Под влиянием одной из них в 387 году принял святое Крещение блаженный Августин († 430; память 15 июня), склонявшийся до того к манихейской ереси. Проповеди святителя разясняли народу Священное Писание; в них решительно осуждалось всякое неправомыслие и насилие.

Святителю стало известно, что император Феодосий (379—395) жестоко расправился с восставшими жителями Фессалоник, где по его приказу было убито около семи тысяч жителей, в большинстве невиновных. В праздничный день, когда император торжественно шествовал в медиоланский собор, святитель преградил ему вход в храм и обличил в кровопролитии. На Феодосия была наложена епитимья, и император покался, повергаясь ниц перед дверьми храма. Святитель допустил его до Причастия, но не в алтаре со священнослужителями, как ранее, а перед алтарем, вместе с прочими мирянами.

Ревностный проповедник и мужественный защитник Православия, святитель Амвросий был также выда-


ющимся церковным писателем. Известны его труды: 5 книг о вере; Изъяснение Символа веры; 3 книги о Святом Духе; 2 книги о покаянии; О Таинствах; Об обязанностях священнослужителей; О чине священническом; О девстве; О девах; О вдовах; Об удалении от мира; Наставление воинам и другим членам государства и Церкви.

Святитель Амвросий обладал и поэтическим даром. Сочиненные им гимны являются выдающимися образцами латинской поэзии раннего средневековья. Музыка для гимнов написана самим святителем. Особенно известен благодарственный Рождественский гимн «Тебе, Бога, хвалим» (Te Deum), который он написал в 386 году после победы над арианами. Святитель ввел в Богослужение по восточному образцу антифонное пение. Оно стало известно в Западной Церкви как «амвросианский напев».

Святитель Амвросий откровением Господним обрел почивавшие в земле мощи святых мучеников Протасия и Гervasия. Он с почестями перенес их в медиоланский собор, где они прославились многими исцелениями. В середине 90-х годов IV века им же были обретены святые мощи мучеников Назария и Келсия (память всех четырех мучеников, пострадавших за Христа в I в., 14 октября).

Святителю Амвросию было открыто время его кончины. Он преставился ко Господу на рассвете дня Святой Пасхи, 4 апреля 397 года. Биограф святителя Амвросия пресвитер Павлин — составивший житие святого по рассказам его сестры и современников — свидетельствует, что в тот день святитель являлся многим крестившимся.

Мощи святителя Амвросия почивают в медиоланском соборе рядом с мощами святых мучеников Протасия и Гervasия.



Преподобнаго Антонія Сійскаго

НА МАЛОЙ ВЕЧЕРНИ

Стихіры, глас 1.

Подобен: Всехвальнии мученицы:

Желая уллучіти, Антоніе блаженне, Небесную доброту, / земная вся преминал еси / и, яко безплотен, подвизався в маловременней жизни сей, / мысленныя враги крепко победил еси и мужески, / имея пособие оружие непобедимое, / радуясь, востекл еси к присножелаемому тебе блаженству. / Темже молися / даровати душам нашим / мир и велию милость.

Мирскаго пристрастия возгнушався, / сущая мира, яко не сущая, вменил еси / и, сего ради от всех упразднися, / безмолвно жити избрал еси, / несмутным умом и немятежным сердцем вину служа Богу, / отонудуже и сосуд Святаго Духа обрелся еси / чистоты ради души твоея, / Емуже молися / помилovati души наша.

Божественныя радости и веселия духовнаго / исполнена явися светоносная твоя память, отче Антоніе, / отонудуже духовная твоя чада, / радостне сошедшися, светло празднуем, / Боголепну славу воздающе / прославляющему тя Богу, / ведущему прославляти святых Своих угодники, / Емуже молися / спасти души наша.

Слава, глас 8:

Приидите, отцы и братья, / честное монашеское собрание, / днесь, обстояще, всечестную икону любезнаго отца / благочестне лобзаем / и, радостно поюще псаломская пения, / во устех имуща духовная словеса, / любовь принесем ему, / яко воистинну монашескому удобрению и преподобных сожителю. / И светло всепразднственная сотворяюще, сиче рцем: / радуйся, светильниче многосветлый, / возводя ко Христу монахов множество; / радуйся, похвало наша и утверждение / и всем верным благоутешное пристанище спасения, / болящих целителю, / Антоніе, всечестный

отче наш, / не остави нас сырых, / но пребуди с нами, чады твоими, якоже обещался еси, / и не престай моляся Пресвятей Троице, / яко да милостива будет нам о гресех наших / и спасет души наша.

И ныне, Богородичен: Владычице, прими молитвы:

На стиховне стихиры, глас 2.

Подобен: Доме Евфрафов:

Пищи райския насладитися возжелел еси, / гланием и жаждою иставил еси плоть твою / и, славою от Бога венчан быти восхотев, / земную славу преобидел еси; / от Негоже и прославился еси, всеблаженне.

Стих: Блажен муж, бойся Господа, / в заповедех Его восхощет зело.

Любовию Божию укрепясь, блаженне Антоние, / желание плоти умертвил еси; / душевное же око от помысленных прилог / свободно к Богу возвел еси / и всего себе чиста представил еси Богу.

Стих: Честна пред Господом / смерть преподобных Его.

Светило великое явися нам днесь / святая твоя память, преподобне Антоние, / мир весь просвещающи зарями / изрядных чудес твоих, / любовию празднующим исцеления неоскудно подавающи.

Слава, и ныне, Богородичен, глас и подобен тойже:

Горнии Тя лица, / Богородице Дево, / поют с дольными, / славословяще непрестанно / Рождество Твое пречистое.

Тропарь писан на велицей вечерни.

Слава, и ныне, Богородичен: Гавриилу вещавшу:

НА ВЕЛИЦЕЙ ВЕЧЕРНИ

Поём: Блажен муж: 1-й антифон. На Господи, воззвах: стихиры, глас 6.

Подобен: Все отложше:

Вся оставил еси, / к Небесным возложив ум твой, / Христа Единого в след ходити возлюбил еси. / Сего ради безмолвно жити взыскал еси, /

уклонѣвся в пустыню, / в нейже подвижався, / житиѣ ангельское притяжал еси, / к борѣнию льстиваго постом и молитвами вооружив себе, / искушѣния многа претерпѣл еси, / и венцы нетлѣнными обогатѣлся еси. / Благодать приѣм от Бѣга, / исцеляѣши недуги различныя, / тем Пресвятѣму Духу, Антоніе преподѣбне, молися / помѣловатися душам нашим.

Весь освящен, / Богоносец показался еси, / древняго человека совлѣкся с похотьми, / и во Христа войстинну облѣк себе, / духовную храмину нерукотворенную надал еси, / положив основаніе добродѣтелей, / к высотѣ безстрастія достигл еси, / ума высокое смиреніем возвел еси Бѣгу, / от негоже знанія глубокое воспріял еси / проразумѣвати будущая, яко настоящая, / и ума сокровенная человеком предглаголати. / И ныне Пресвятѣй Троице, блаженне, молися / о душах наших.

Зрѣти желая мысленную доброту, / чувственная вся преминул еси, / в слезах и воздыханіих живя дни своя, / огорчевал еси плоть твою всенощными бдени и частыми коленопреклоненіи. / И сего ради всяк вид добродѣтелей проходил еси, / мощная ополченія вражия обличив, / крепкодушным терпѣнием, / многоболѣзненным страданіем к неболезненным достигл еси, / идеже Свет невечерний / и Ангел ликостояние. / С нимже, преподѣбне, Христу со дерзновеніем молися / о спасеніи душ наших.

Ины стихіры, глас 4.

Подѣбен: Званный свѣше:

Егда Божественное раченіе / найде на тя, пребогате, / тогда тяжесть міра от души твоея отринув, / ветрило ума яко легко к Бѣгу вперил еси, / корабль твой направляя в тихое пристанище, / идеже и сподѣбился еси святаго образа монашескаго благоуукрашенія, / и тамо учителем твоим наставляемь, / образы благочестія сияя, / благими нравами украшаяся, / священства, яко сосуд избран, сподѣбился еси. / Тем Христу Бѣгу молися / спасти и просветити души наша.

Егда любовь Божия / двизашеся в сердца твоём,
 преблаженне, / тогда мира сего суету / и преле-
 стное мудрование в ничтоже вменил еси; / в
 пустыню преселився, / и в ней, яко безплотен, /
 добрым подвигом подвизався, / невидимых врагов
 ополчения / терпением твоим вся победил еси. / Но,
 Емуже от юности твоея послужил еси, / Христу
 Богу молися / спасти и просветити души наша.

Егда Божественным мановением / показанного
 тебе в видении узрев, / крестным знаменем во-
 оружаяща тебе, / тогда, преподобне Антоние, / и
 ты, крестом вооружив себе, / вседушно Христу
 последовал еси / и, Того любовью простираяся, /
 кротость и незлобие стяжал еси. / Тем и кратких
 землю наследовал еси, / отонудуже источник целен-
 ный проливаяши приходящим ти с верою, / Пре-
 святей Троице моляся, / Юже моли / спасти и
 просветити души наша.

Слава, глас 8:

Преподобне отче Богоблаженне Антоние, / же-
 стокое твоё житие и труды, яже по Богу, / в
 безмолвнем сем уединении, яко приятно бысть
 Богу; / тогда вседействием Пресвятаго Духа / сте-
 зями правыми исправлял еси жизнь твою, / имиже
 достигл еси / обрести Богоданен дар светолеп-
 ный, / священную мзду трудов твоих премудрое
 снискание, / пречудный образ Единосущныя Трои-
 цы: / к Нейже ходатайствы твоими молитвенны-
 ми, / душевным оком взирая к Божеству Трисвет-
 лому, / зарями чудес, паче солнца, весь мир озарил
 еси, / тьму демонов далече прогоняя. / Днесь же и
 по твоём преставлении / Богу хотящу наипаче
 прославити тя, / обильна исцеления источает с
 верою приходящим к цельбоносному твоему гробу,
 / благоухание подая Пресвятаго Духа. / Темже,
 яко имея дерзновение, / прилежно молися Пресвя-
 тей Троице / Церквам единомышление / и правос-
 лавному народу нашему здравие неоскудное даро-
 вати / и на враги крепкое одоление / и спасение
 испросити душам нашим.

И ныне. Богородичен: Царь Небесный:

Вход, прокимен дне, чтения 3

(зри страницы 151—153)

На литіи стихиры, самогласны, глас 2:

Стезёю присноживотною присно ходити возжелел еси / будущия ради оныя присноблаженныя славы; / того ради, в пустынях пребывая, служил еси Богу, / подобяся светилу оному, Великому Антонию; / якоже бо он, Великий, / в пустынях египетских безмолвия ради вселися, / такоже и ты, всеблаженне, / душевнаго ради безмолвия / телесная чувства во внутренних пустынях сих неисходне затворил еси. / Но он убо древних святых отцев, в посте просиявших, / отец и начальник бысть; / ты же, преподобне, в последние роды сия / возсиял еси Богоугодным житием твоим, / отец и начальник быв монахом. / Емуже бо в житии сем наследник и ревнитель был еси, / сиче того и именованіе от дел прием, / с нимже Пресвятей Троице молися / спастися душам нашим.

Приидите, Боголюбезное стадо, монашеское собрание, / с празднлюбезными чинми христианскаго множества / Богоименитых людей Божиих / днесь восхвалим Христова рачителя, / гражданина пустыннаго, / монахом премудраго наставника, / пустынников похвалу святолепную, / Божественныя песни принесем ему. / Сей бо, ревность Божественную в сердцах прием, / мирскую прелесть всю оставив, Христу последова, / труды постническими простираяся, / демонския пагубы победи мужески / Духа Святаго оружии непобедимыми. / Темже, возшед на лествицу добродетелей, / достиже кругов оных Небесных, / идеже Богоначальным светом / со Ангельскими лики просвещаяся, / молитвенник непрестанен бываает за души наша.

В тихое и небурное пристанище безмолвия вшед, / во отходную пустыню Боголюбезную, / идеже с Богом един безмолвствовал еси, / тесным путем и прискорбным присношествовав, / тамо житие Ангельско проходил еси, / неудобьпокоривое плоти возразив воздержанием, / научив сего повиноватися благому помыслу в хотения Божия. / Темже свет безстрастия возсия тебе, / в немже узрел еси Присносущнаго Света — Христа, Бога нашего. / Егоже непрестанно молити молимся / от

всяких зол нас избáвити, / всечестное твоё успе-
ние прáзднуюющия, / и спасти́ души́ нáша.

Слáва, глас 6:

Рáдуйтеся и веселíteся о Гóсподе, / Богоизбрáн-
ное стáдо блаженное, / духовная чáда преподóбна-
го, / я́ко такова́го светíльника отцá себе имúще, / и
чáда нареко́стеся, / пресвётлым житиём своим весь
мир озарíвшаго; / егóже прослáви Бог / знáмени
же и чудесы́ Своими преслáвными, / обíльна
исцеления неоскúдно дáрующа / приходя́щим к
Нему́ с véрою. / Тёмже, обсто́яще всечестную́
ико́ну егó, / мо́лимся ему́, глаго́люще: / О всебла-
женне Анто́ние, о́тче наш, / непрестáнно моли́
Всесвятую́ Трóицу / стáдо твоё спасти́ / и véрно
чтúщих пресвятую́ пáмять твою́, / и труды́ тво́я, и
терпéния любочéстне имéющих, / я́же за Христа́
подъя́л еси́, / я́ко да Той мíлостив бúдет нам / о
гресéх нáших в День Сúдный / и спасёт души́
нáша.

И ны́не, Богорóдичен: Творец и Избáвитель:

На стихóвне стихи́ры, глас 5.

Подóбен: Рáдуйся:

Рáдуйся, всесвященна́я главо́, / преподóбне о́тче
наш Анто́ние, / уго́днике Христóв присножелáн-
ный, / Вь́шних сил ревни́телю и собесéднике
А́нгелов. / На земли́ бо, в плóти сый, / безплóтных
жити́е проходíл еси́, / подóбяся тех жити́ю же и
нраву; / с ними́же ны́не в присноблаженном Свёте
пребывáя, / наслажда́ясь зрénий Божéственных, /
Христу́ Бо́гу моли́ся / мир вселénней даровáти / и
душáм нáшим véлию мíлость.

**Стих: Честна́ пред Гóсподем / смёрть преподóб-
ных Егó.**

Рáдуйся, священный véрше предóбрый, / препо-
дóбным и праведным совсёлъниче едионрав-
ный; / тех бо жити́ю последствовав, / страстéй
игра́ния, я́ко сéчивом, / крестá знáмением посéкл
еси́, / Свётom пресвётлым, Дúхом Святым озаря́-
емь, / на свéщнице добродéтелей вся освещáеши, /
благочéстия véрше преизящный, / украшенный

даровании Божественными. / Тѣмже Христу́ Бо́гу моли́ся / дарова́ти душамъ нашимъ мир и велию мѣло́сть.

Стих: Блаже́н муж, бой́ся Го́спода, / в за́поведехъ Его́ восхо́щет зело́.

Ра́дуйся, священны́й наш наста́вниче, / главо́ предоб́рая, / учени́к твои́х ста́до избра́нное, / ихже Боголю́бне в пусты́ни сей собра́л еси́, му́дре, / о нихже труды́ и по́ты простира́я, / ду́шу твою́ положи́л еси́, / не оста́ви, посеща́я, / и о и́же ве́рою соверша́ющих па́мь твою́ святу́ю / и любоче́стне почита́ющих всечестны́я тво́я мо́щи святы́я, / Христу́ моли́ся / изба́вити всех нас вся́каго гне́ва и томле́ния / и спасе́ние дарова́ти душамъ нашимъ.

Сла́ва, глас 8:

Пусты́ня, пре́жде непло́дствующи, ны́не же веселѣ́тся, / зря́щи в себѣ ста́до мона́хов, / обсто́ящих всечестны́й гробъ пречу́днаго отца́ сегó / и духо́вно веселя́щихся, / и́же пра́зднственная торжеству́ют, глаго́лющи: / ра́дуйся, свети́льниче пресвѣ́тлый, / и́же, чудесы́ сия́я, озаря́еши ду́ши ве́рных; / ра́дуйся, о́тче всеблагѣ́й, / умно́живый ча́да в пусты́ни духо́вных желáний, о нихже труды́ и по́ты полага́я, / ду́шу твою́ преда́л еси́ Бо́гу, / Ему́же моли́ся, свя́те Анто́ние, / о нас, ча́дах твои́х, / благоче́стне па́мь твою́ пра́зднующих, / изба́вити от наве́т вра́жиих, / я́ко да, до́бре сконча́вше жи́знь свою́, / дерзнове́ние получи́м в день Стра́шнаго испытáния.

И ны́не: Безневѣ́стная Де́во:

Тропа́рь, глас 1:

Желáнием духо́вным распали́вся / и мятѣ́жи мирскѣ́я отрѣну́в, / ко еди́ному же Бо́гу любóвию прилепи́лся еси́ / и, Того́ вседу́шне взыску́я, / во вну́треннюю пусты́ню отше́л еси́, при вода́х всели́вся, / иде́же во слезáх и трудѣ́х пребы́вая многолѣ́тнее вре́мя, / в терпéнии мно́зем жити́е А́нгельское проходи́л еси́ / в наста́влении Божественна́го ра́зума, / и мно́жество мона́хов собра́л еси́, му́дре, / ихже посеща́я, и не оста́ви, Анто́ние

преподобне, отче наш, / Пресвятей Троице
моляся / от зол всяческих избавити и спасти души
наша.

**Слава, и ныне, Богородичен: Гавриилу
вещавшу:**

НА УТРЕНИ

На Бог Господь: тропарь святого дважды.

Слава, и ныне, Богородичен.

По 1-м стихословии, седален, глас 8:

Многим воздержанием, преподобне, жизнь твою
украшив, / путь показал еси, ведущий в жизнь
добродетели смирением: / мира бо отвергся, и вся,
яже в мире красная, преобидев, / Евангельским
учением последовал еси; / жестоким же житием
плоть твою изнуряя, / гордаго змия воздержанием
убил еси. / Темже, на Небесех водворяясь, / Три-
солнечному Божеству предстоиши, преподобне
Антоние, / моли Христа Бога согрешений оставле-
ние даровати / чтущим любовь святую память
твою.

Слава, и ныне, Богородичен:

Небесную дверь и кивот, / пресвятую гору,
светлый облак воспойм, / неопалимую купину,
словесный рай, / Евы возвание, вселенная вся
великое сокровище, / яко спасение в Ней соделася
миру / и оставление древних согрешений. / Сего
ради вопием Ей: / молися Сыну Твоему прегрешен-
ний оставление даровати / благочестно покланя-
ющимся всесвятому Рождеству Твоему.

По 2-м стихословии, седален, глас 4:

От юности взял твой крест, / благочестно Христу
последовал еси, увидев плотское мудрование
воздержанием / и победу взял на диавола, над
страстьми телесными воцарился еси. / Темже и по
кончине источаеши исцеления верою приходя-
щим к чудотворному образу Всесвятыя Троицы / и
к твоему цельбоносному гробу. / Антоние всече-
стне, испроси нам милость.

Слава, и ныне, Богородичен:

Безвестная Чистая Богородице Дево, / Единая
предстательнице верных и покров, / бед, и скор-

бей, и лю́тых обстоя́ний вся изба́ви, / иже на Тя упова́ние иму́щая, Отрокови́це, / и ду́ши на́ша спаси́ Божественными мо́льбами Твоими́.

По полиелѣи седáлен, глас 8:

В пусты́ню, преблаже́нне, всели́лся еси́, / и в ней проходя́ жесто́кое жителъство, якоже безплóтен, / жизнь исправля́я, плоть твою́ умертвил еси́ / и, поревновáв Анто́ния Вели́каго изрядному жителъству, / Трóицы служитель показáлся еси́ преизящный. / Тѣмже к ревности Той Божественней лик мона́шествующих, сла́вне, совокупил еси́, / Богоно́се óтче наш Анто́ние, / моли́ Христа́ Бо́га согрешений оставлѣние дарова́ти / чту́щим любóвию святу́ю па́мять твою́.

Сла́ва, и ны́не, Богородичен:

Яко Дѣву и Еди́ну в жена́х, / Тя, без семене ро́ждшую Бо́га плóтию, / вси ублажа́ем, роди́ челове́чести: / огонь бо всели́ся в Тя Божества́, / и, яко Младенца дои́ши Зиждителя́ и Го́спода. / Тем, Ангельский и челове́ческий род, досто́йно сла́вим пресвято́е Рождество́ Твое́ / и согла́сно вопи́ем Ти: / моли́ Христа́ Бо́га согрешений оставлѣние дарова́ти / поклоня́ющимся ве́рою пресвято́му Рождеству́ Твоему́.

Степѣнна, 1-й антифóн 4-го глása. Прокíмен: Честна́ пред Го́сподем / сме́рть преподобных Егó. **Всякое дыха́ние: Стих:** Хвалите́ Бо́га во святых Егó: **Евангелие от Матфе́я, зачáло 43.**

По 50-м псалмѣ стихира, глас 6:

Преблаже́нне óтче наш Анто́ние, / егда́ к Бо́гу во отше́ствии твоём отсю́ду / Боголюбѣзное собра́ние учени́к твои́х нака́зовал еси́, / яко о́тец чадолюбив, / вели́кую главизну соблю́дати и исполнити Божественных проро́к и зако́на, глаго́ля: / пребы́вайте, ча́да, в соверше́нии духо́внаго ва́шего исполне́ния, / любовь имѣти им к Бо́гу и бли́жнему / и, ели́ка си́ла, подвизáтися на о́бщаго врага́, / внима́ющим своему́ спасѣнию, / да получа́т б́дущее присноблаже́нствие. / Но ўбо, всеблаже́нне, / не преста́й моля́ся Пресвятей Трóице и нас, чту́щих тя, / сохра́нити в любви́ Той, яко да получа́ем от Нея́ вели́кую ми́лость.

Канон Богородице со ирмосом на 6.

И святого два канона на 8.

Первый канон, глас 2.

Песнь 1

Ирмос: *Грядите, людие, / поим песнь Христу Богу, / раздельшему море и наставлявшему люди, / яже изведе из работы египетския, / яко прославися.*

О Троице Всемилосердая, Боже Преплагий / — Отче, и Сыне, и Святый Душе — / Трисвятое Естество, немудрых наказателю! / Подажь просвещение моему неразумию, / песнь воспети Твоему служителю / в наставлении Божественнаго Твоего просвещения.

От матерня чрева прилепился еси к Богу, преподобне, / сего ради жизнь сию в ничтоже вменив, / крест Господень из юности твоея возжелел еси носити / и, вся земная возненавидев, в Небесная присноблаженствия взирали еси.

Дивно житие твое, блаженне, / купно же и смирение, еже от юности стяжал еси. / И сего ради от всего мира отлучив себе / и Ангельским образом облекся, / был еси монах предивен, цветя в добродетелех.

Богородичен: **В**оплощся из пречистых ложесн Твоих, Дево Всечистая, Божие Слово / всем изъясни Богоразумия любовь: / человеческое торжество лику Ангельскому совокупив, / в Небесная возведе.

Другий канон преподобному, глас 8.

Ирмос: *Колесницегонителя фараоня погрузи, / чудотвори ииногда / Моисейский жезл, крестообразно поразив / и разделив море, / Израиля же беглеца, пешеходца спасе, / песнь Богу воспевающа.*

Весь Вседержителю Богу возложив себе, Богомудре, / и, к Тому желанием и любовью ум твой вперив, / Того ради безмолвная и уединенная

мѣста возлюбил еси, / да, со Христомъ пребывая, жизньъ вѣчную наследуешь.

Упованіемъ на Бога всеблагаго укрепляемъ, блаженне Антоніе, / къ будущимъ благимъ простирался еси / и твоей плоти немилостив, отче, был еси.

Лукавый врагъ, опасно ведый, яко хощетъ тобою изгнанъ быти отъ мѣста сего святаго, / сего ради неправедныя человеки воздвизаетъ на тя; / но сии убо, ничтоже сотворше, вспять бежаша, / лукавый же побежденъ бысть оружіемъ молитвъ твоихъ: / Богъ бо снабдеваше тя.

Богородичен: Неискусомужно Христа родила еси, суща по намъ насъ ради, / непременно естествомъ, Пречистая, и невраща во обоихъ пребывша. / Егоже моли непрестанно / греховъ моихъ даровати и напастей избавленіе.

Катавасія: Христосъ раждается:

Песнь 3

Ирмосъ: Процвела есть пустыня, яко крин, Господи, / языческая неплодющая, Церковь / пришествіемъ Твоимъ, / в нейже утвердися мое сердце.

Велико к Богу дерзновение стяжал еси, преподобне, / Присносущныя Троицы святому образу, / стяжании трудовъ твоихъ благодать испроси Пресвятаго Духа: / Егоже из пламене преславно изыти сотворил еси молитвами твоими.

В началѣ основаніе добродетелей, блаженне, / положил еси в души твоей страхъ Божій / и на семъ основаніи наздал еси чистыя добродетели сохраненіемъ Божиихъ заповедей. / И сего ради вселился еси в вѣчная благая, / яже уготована Богъ боящимся Егю.

Временныхъ и дольных возгнушався, / высокая присно пребывающая возлюбил еси, / Божественнымъ раченіемъ распалая благолюбивую твою душу, / и, Того сотворивъ живущаго Бога волю, / воспріял еси благая Небесная.

Богородичен: Скажуя иногда сокровенное таинство, Отроковице, / Тебѣ древле Гавриилъ зоваше: / радуйся, Божія палато, / в Нюже вселился, обоживъ вся человеки яко Милосерд.

Ин

Ирмос: Ты еси утверждение / притекающих к Тебе, Господи, / Ты еси Свет омраченных, / и поёт Тя дух мой.

Утвердив твоя помышления, блаженне, упованием на Бога, / вражиих наветов никакоже убоясь, / но мысленных рек стремления, к душевной твоей храмину приражающаяся, / возразил еси о камень терпения.

Желая, преподобне, насыщаться приснопребывающая сладости, / былии саморасленными трилётное время проводил еси жизни твоея; / темже и ныне получил еси трапезу оную негибнущая яди, / но присно пребывающая в жизни вечней.

Во ум прием Царствия Небеснаго вечное наслаждение, / земная вся пренебрегл еси / и сего ради скорбная нашествия многа и изгнания / в жизни сей претерпел еси, / но от всех сих свободи ты тебе жизнь вечную Даровавый.

Богородичен: Твою помощь подаждь ми, рабу Твоему недостойному, Дево Владычице, / и, вразумивши Божественное сие начинание, / сотвори от недостойнаго достойная / и избави бед, и скорбей, и прегрешений многих, / яко рождши всех избавление.

Седален, глас 3:

Многомятежие мира и непостоянную суету, яко прах, вменив, / к премирным возвел еси ум твой, / затвором безмолвия воздержав телесная чувства, / и, стяжав жизнь ангельску, Богу угодил еси, / демонов пагубник, страстей искоренитель, / человеков спаситель неложен был еси. / Темже и нас от тлетворных страстей избави, молимся, твою память присно в песнях почитающих, / блаженне Антоние, отче наш.

Слава, и ныне, Богородичен:

Яко невозделанная, Дево, лоза, краснейший грозд прозябла еси, / источающ нам вино спасения, всех веселящее души же и телеса. / Темже яко вину Тя добрых блажаще, / присно со Ангелом вопиём Ти: / радуйся, Обрадованная.

Песнь 4

Ирмос: *Пою Тя, слухом бо, Господи, услышах и ужасо́хся: / до мене́ бо и́дещи, мене́ ища́, заблуждшаго. / Тем мно́гое Твое́ снизхожде́ние, е́же на мя, / прославля́ю, Многоми́лостиве.*

Коль бла́го положи́л еси́ во уме́ твоём, / е́же прилепля́тися Бо́гу на́шему; / се́го ра́ди оста́вив вся, на землі́ су́щая, / ум твой вседу́шно возложи́л еси́ к Небе́сным оби́телем, / в безмо́лвии мно́зе препровождáл жизнь твою́, / да никогда́же отто́ргнешися Сладча́йшаго твоего́ Иису́са.

Смерть па́че всего́ жити́я се́го избра́л еси́, да Христу́ жи́ти бу́дещи, / се́го ра́ди в ме́ртвость повседне́вную вда́лся еси́, / труды́ по́стническими умерщвля́л еси́ вся́ у́ды сво́я, / истни́в плоть сво́ю посты́ мно́гими.

Помина́я, преподо́бне, послéдний день жи́зни се́я, / пришéльца вме́нял еси́ себé в ми́ре сем бы́ти, / на всяк день гото́вился еси́ ко исхожде́нию, / бла́гими де́лы украша́я ду́шу твою́, / ожида́я прише́ствия Влады́ки твоего́.

Богородичен: *Боговидéнием просвещáся проро́к, / явленно́ зрит гору́ Бо́жию благословéнную, / земным украше́ние, Небе́сным славослóвие Боголе́пное, / Еди́ну Всепéтую.*

Ин

Ирмос: *Услы́шах, Господи, / смотре́ния Твоего́ та́инство, / разумéх дела́ Твоя́ / и просла́вих Твое́ Божество́.*

Пото́ки слéзными пусты́ни напо́ил еси́, блаже́нне, / се́мя трудо́в твои́х се́я в них. / Те́мже и стори́чный плод ра́достне пожа́л еси́, вопи́я: / сла́ва си́ле Твое́й, Господи.

Стена́нием се́рдца и умилéнием мно́зем жити́я по́прище прешéд, му́дре, / и в страну́ безстра́стия пресели́ себé, / в нейже́ Свет приéм в се́рдцы твоём, непреста́нно весели́шися, / неизрече́ннаго Света́ — Христа́ наслажда́ясь.

Моля́ся не преста́й, о́тче, о ста́де твоём, / е́гоже мно́гими труды́ и по́ты стяжа́л еси́, / избавлéния прося́ злых обстоя́ний и скорбе́й вся́ческих, / да ты

вси, яко отца чадолюбива, непрестанно воспеваем.

Богородичен: Кóрень из чресл царских, Царь всех, / яко сущу возлюбив, и вѣшшу Херувим и Серафим показá, / весь, Богородице, вселися в Тя.

Песнь 5

Ирмос: *Ходатай Богу и человеком был еси, / Христэ Бóже: / Тобóю бо, Владыко, к Светоначальнику, Отцу Твоему, / от но́щи неведения / приведение ймамы.*

Яко древо благорасленно, при исходищах многих вод насажден быв, отче, / ветви добродетелей мно́ги израстил еси, / под сень твою́ вся приѣмля, хотящия спасения.

Пучиною слез твоих море греховное потопил еси, / погружая ум свой во глубину видений Божественных, / идеже сокровенных таин ясно зритель быв, / прорекл еси кому́ждо напоследок хотящая быти им.

Моли́твенник яко тепл в жизни сей Пресвятей Троице был еси, блаженне, / ходатайствы твоими здравие всем подавая нескудное. / Тем и ныне паче в молитву предлагаем тя, / просяще тобою прияти милости и грехов оставления.

Богородичен: Моих прегрешений пленицу, Владычице, расторгни, / Твоего Сына и Бóга молящи, / и томящий грех, Приснодево, низложи, / яко да пою́ Тя всегда, Всенепорочная, Тобóю спасаемь.

Ин

Ирмос: *Вскую́ мя отринул еси / от лица Твоего, Свете Незаходимый, / и покрыла мя есть чуждая тьма, окайннаго, / но обрати́ мя и к свету заповедей Твоих / пути́ моя́ направи, молю́ся.*

Пищи малопріятием скудным зело́ желание плóти обузда́л еси, / во всенощных же славословіих Божественных словес / души́ словесное непорочно Богу соблю́л еси.

Цáрство Небесное стяжав нището́ю самовольною, / отонудуже источаеши обильная дарования духовных исцелений / верно почитающим всесвятую твою́ память.

Свещу твою духовную, чистоты светило вжегл еси, блаженне, / елеем милости напоая непрестанно. / Тем достигл еси Чертога Небеснаго, идеже есть Жених Он, / Егоже измлада возжелел еси.

Богородичен: Храм явилася еси честен, Дево Мати Марие, / всяческая всесильно и премудро составляша Христа, и очистивша, и носяща, / Егоже нам милостива сотвори матерними Твоими мольбами.

Песнь 6

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Честное тело твоё, преподобне, / многа исцеления, яко источник присно кипящ, / источает верою приходящим к чудотворному образу Всевышней Троицы / и к цельбоносному твоему гробу.

Непрестанными твоими к Богу, отче, молитвами / кругов Небесных достигл еси, / идеже есть Свет неизреченный и наслаждение праведных, / с нимиже предстоиши Троице — всех Богу, / отонудными светлостью просвещаяся.

Антоние преподобне, / аще и напоследок лет от земли, яко солнце, возсиял еси, / но древних отец, прежде тебе бывших, / чести и дара от Бога сподобился еси: / будут бо, — рече Господь, — последние первии.

Богородичен: Возсия из Тебе Мысленное Солнце / и светлая лучи своего Божества всем простре, Богородице Владычице; / тем Тя вси непрестанными пении величаем.

Ин

Ирмос: Молитву пролию ко Господу / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

В пустынях, яко птичище, возгнездился еси, преподобне, / от всех хотя Единому Богу единствовать; / но, яко на свещнице, яве быша всем твоя исправления, / Богу ты прославляюще.

Ночь тебе, яко день, блаженне, вменяшеса и день, яко ночь. / Не дал еси покоя телеси твоему, ни сна очесем, ни веждом дремания, / дондеже достигл еси покоя Небеснаго.

Сон и сень житие сие, преподобне, вменил еси, / тем, и на ничтоже обращался еси сущих в нем, / но все твое помышление и душу к будущим простерл еси, / идеже с преподобными всеми ныне веселишися.

Богородичен: Расторгни моих прегрешений рукописание, / одержавших мя печалей и страстей разрешение дарующи и соблюдаючи вину невреждена, Владычице.

Кондак, глас 8.

Подобен: Взбранной:

От юности, преподобне, плоть твою в постех и молитвах истончил еси / и, крест твой взем, Христу последовал еси. / Темже и к Вышним течение радостно совершил еси, / идеже со всеми святыми Святей Троице предстоиши; / и ныне, стадо твое посещая, / поминай чтущих пресвятую память твою, / да вси благодарне вопием ти: / радуйся, Богомудре Антоние, наставниче пустынный.

Икос:

Евангельскаго гласа ревнитель, блаженне, обрелся еси, / вся бо земная вменив уметы, / Христов последователь в жизни сей изыщен был еси, / от Негоже и разумом обогатився дарованиями Божественных, / вразуми ны вещати тебе сицевая: / радуйся, Богоносе, Небесный человек, земный Ангеле; / радуйся, чистый доме Пресвятаго Духа; / радуйся, яко в жизни сей служитель Пресвятыя Троицы был еси; / радуйся, яко молитвами твоими обитель твою избавил еси невредну от огненнаго возгорения; / радуйся, яко пустыню слезами напоив, многоплодну сотворил еси; / радуйся, яко всеночными Божественными песнопениями сия просветил еси; / радуйся, яко в ней семя Божественное многотрудно всеял еси, / егоже уплоди Бог во много; / радуйся, яко в той ученик стада собрав, страху Божию наказал еси; / радуйся, яко

моли́твами тво́ими нечи́стии ду́си от челове́к
отгони́ми быва́ют;/ ра́дуйся, я́ко непреста́нно
мо́лишися Пресвяте́й Трои́це/ о соверша́ющих
благоче́стно па́мять твою́,/ е́же соблюсти́ся от
враг ненаве́тным, да зове́м ти:/ ра́дуйся, Богому́д-
ре Анто́ние, пусты́нный наста́вниче.

Песнь 7

Ирмо́с: Богопроти́вное велéние беззаконнующа-
го мучи́теля/ высо́к пла́мень вознесло́ есть./ Хри-
сто́с же простре́ Богочестивым отро́ком росо́у
духо́вную,/ Сый благословéн и препросла́влен.

Смирéн нрав и обы́чай крото́к имéв, блаже́нне,/
Крото́кому Па́стырю — Христу́, я́ко овча́ незло́биво,
усер́дно последовал еси́./ Ему́же непреста́нно
поéши со избра́нными все́ми:/ оте́ц на́ших Бо́же,
благословéн еси́.

Жела́я насладити́ся Небе́снаго Хле́ба — Христа́,/
Его́же я́дый никогда́же умрет,/ а́лчною и жа́ждею
томил еси́ плоть твою́;/ Его́же ны́не, о́тче Анто́ние,
насыща́йся,/ и нам прича́стником бы́ти Она́го
моли́ся.

Свети́ло ми́ра в последнем ро́де сем Господь
сотвори́ тя, о́тче,/ чу́вственным очесéм и душе́в-
ным тобо́ю да́рует прозрэ́ние./ Того́ моли́ просвети́ти
ны светом за́поведей Божéственных, по-
ю́щия:/ оте́ц на́ших Бо́же, благословéн еси́.

Богородичен: Обветшавши́я ны го́рьким дрéвле
дрéва вкуше́нием/ и па́дшия преступлéнием, Пре-
чи́стая, обнови́ла еси́, Зижди́теля ро́ждши,/ Сло́во
Ипостáсное, Де́во Ма́ти, Влады́чице.

Ин

Ирмо́с: От Иуде́и доше́дше, о́троцы/ в Вавилóне
иногда́/ véрою Трои́ческою пла́мень пéщный
попра́ша, пою́ще:/ отце́в Бо́же, благословéн еси́.

Я́ко высо́к ум, преподо́бне, от земных всех к Бо́гу
имéя,/ высо́к в добродéтелях обрелся еси́/ и, к
Вы́шним течéние твоé исправи́в,/ сла́виши с ними
непреста́нными гласы Пресвяту́ю Трои́цу:/ оте́ц
на́ших Бо́же, благословéн еси́.

Ни́щия ми́луя, а́лчущия пита́л еси́, жа́ждущия
напая́л еси́./ Тем при́я тебе́ в вéчныя кро́вы тебе́

ради в нищих Бывый. / Емуже поеши: / отец наших
Боже, благословен еси.

Не устраши тебе, блаженне, / долготы летняя, ни
пустынное озлобление, / ни в потребных скудость,
ни разбойник нашествие, / но едино пред очима
имея, / еже Христа ради смерть прияти в пустыни
сей, / да Христу жити будеши.

Богородичен: Украсилася еси девства добротами / и Евы покрывла еси студ злообразный,
Христа Родшая, / одеяние безсмертия дарующаго
Тебе чтущим.

Песнь 8

Ирмос: В печь огненную ко отроком еврейским
снизшедшаго / и пламень в росу преложшаго
Бога / пойте, дела, яко Господа / и перевозите во
вся веки.

Светоносная благодать и исцелений дарования /
дашася от Бога всей стране нашей, преподобне, /
чудотворный образ Единосущныя Троицы и твоя
мощи святыя. / Емуже поклоняющеся, ты почи-
таем.

Яко шипок сладкоуханный, отче Антоние, / гроб
твой миру обретеся. / К нему же вси приходящие /
духовное благовоние в сердцах своих от него
объемлют, / благопотребное зело.

Всем всяк, блаженне, благочестне предложил
еси себе: / овем убо избавление подай от всяких
злых обстояний, / овем же от недуг здравие
неоскудное, овем же спасение предлагая, / хотя-
щим монашеское пребывание.

Богородичен: Умертви, Богородице, многокоз-
неннаго врага, / всю тварь прежде тлею умертвив-
шаго, / ныне же Тобою мертвии на жизнь въздох-
ом: / родила бо еси воистинну Жизнь — Бога всех.

Ин

Ирмос: Царя Небеснаго, / Егоже поют вси Ангельстии, / хвалите и перевозите во вся веки.

Аще и зайде под землю тело твоё, / но, яко
солнце, днесь возсия, вся освещающее, / хвалящая
Христа во веки.

Многосвѣтлое житія твоего, Богоблаженне Антоніе, / просвещает душевныя очи / и исправляет стопы к добродѣтели хвалящих Христа во веки.

По смерти явлением твоим, яко прокаженного, очисти еси, / тако, блаженне, и мене, уязвленна грехом, / молитв твоих иссопом очисти, / поюща Христа во веки.

Богородичен: На Тя надежду возложих, Мати Приснодево, спасения моего / и Тя Предстательницу имею жизни моея, / поя Христа во веки.

Песнь 9

Ирмос: Безначальна Родителя Сын, Бог и Господь, / воплощся от Девы, нам явися, / омраченная просветити, собрати расточенная. / Тем Всепетую Богородицу величаем.

Тесным и прискорбным на земли шествовав путем, / пространства Небеснаго радостне достиг еси, / идеже зриши яснее Пресвятую Троицу со Ангельскими лики.

Яко злато, искушено в горниле терпения, / явился еси, блаженне, без всякаго злобы примеса; / и того ради высоту достиг добродетелей, / восприим еси Пресвятаго Духа озарение.

Честна войстинну смерть твою, преподобне: / аще бо и преставился еси от нас, / но духом неотступно с нами пребываеши, / верно почитающими тя.

Богородичен: Вся Сотворшаго матеролепно в Твоих недрах носивши, Маріе Дево, / от руки мя избави борца, / яко да, спасаемь Тобою, Твою хвалю величия.

Ин

Ирмос: Войстинну Богородицу, / Тя исповедуем, / спасеннии Тобою, Дево Чистая, / с Безплотными лики Тя величающе.

Единаго лета ко осмидесятим в течении твоём не доскончав, блаженне, / Вышнее Царствие восприим еси, / со Христом царствуя во веки.

Оставив земную славу, к Небесней взялся еси любовью / и, яко Ангел, в жизни сей Богу послу-

жив, / к премірным духовом преставился еси, /
Божественным тамо светом просвещаяся.

**Руки, Антоние святе, к Пресвятей Троице на
мольбу простри, / милостивное прося, иже с любовью
пение Ти сие принесшим, / и избави всех
напастей и бед / верою совершающих память твою
святую.**

Богородичен: Пение с песнию и хваление,
исплетенное от болезненны души, / принесох со
страхом Тебе, рождшей Христа, / естеством суща
Бога, / Егоже молящи, Богородице, благоприятна
сотвори моления наша / и молитвами Твоими
соблуди люди Твоя.

Светилен:

**Твое успение в песнях празднующих / посещай
молитвами твоими, / оставление прося греховных
соблазн / и избавити всех от различных напастей, /
да вси тя прославляем, блаженне Антоние.**

Слава, и ныне, Богородичен:

**С Богом упование на Тя, Пречистая, возложим,
из Тебе прошедшему распятому Христу, /
Твоими к Нему мольбами невредны даже до конца
сохрани ны.**

На хвалитех стихиры на 4, глас 8.

Подобен: О, преславнаго чудесе:

**Преподобне отче Антоние, / ты, от юности Хри-
сту последовати возлюбив, / вся, яже на земли,
мудрования отринув, / постническими труды Богу
угодил еси, / слабое помысла повиную духу. / И
ныне на Небесех со святыми всеми Троице пред-
стойши, / Божественныя дары от Нея приемля, /
Юже моли, блаженне, / о иже верою пресвятую
твою память почитающих.**

**Преподобне отче Антоние, / ты струями слез
твоих / пустыню бесплодную напоил еси, / и в ней
плоды преподобия и правды израстил еси, / и сего
ради всыновления дар прияти от Бога сподобился
еси, / Святым Духом просвещаемь, / сокровенных
таин ясно зритель обрелся еси, / сбытия последних
времен сказатель неложен быв. / Темже молися,
спасти души наша.**

Преподобне отче, блаженне Антоние, / иго Христова на рамо твоё взем, / добродетели верх усёрдно достигл еси, / на нёмже утверждена любовь Господа узрел еси, / восход тебе к Небесным обителем исправляюща. / Емуже предстоиши с преподобными всеми, / моляся спасти благочестне верующия в Пресвятую Троицу / и любочестне почитающия / честныя мочи твои трудолюбезныя.

Слава, глас 6:

Радуйся, пустыне святая и Боголюбезная, / израстившая отца сего досточуднаго / и воспитавшая саморасленными своими былии, / егоже житием освятивши ложесна своя, / небурное пристанище всем верным обретесе: / той бо прослави Бога добродетельным житием своим, / в жизни сей верно послужив Ему. / Сего ради и Бог прослави того чудесе своими Богодарованными, / обильна исцеления подавает / почитающим с верою святую память его. / Темже и мы, обстоюще всечестную икону его, / со страхом поклоняющеся, / благочестне целуем святыи образ священнолепнаго его подобия / и любезно вопием к нему: / О всеблаженне отче наш Антоние! / молися неотступно Пресвятей Троице, / воинству даровати на враги посobie и крепкое одоление / и христоименитыя люди от зол спасти всяческих и душам нашим испроси мир и велию милость.

**И ныне: Богородице, Ты еси лоза:
Славословие великое, и отпу́ст.**

НА ЛИТУРГИИ

Блаженны от канона святаго песни 3-я и 6-я. Прокимен, глас 7: Честна пред Господем / смерть преподобных Его. Стих: Что воздам Господеву о всех, яже воздаде ми? Апостол к Галатам, зачало 213. Аллилуйя, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Матфея, зачало 10. Причастен: В память вечную будет праведник, от слуха зла не убоится.



Ина служба преподобнаго Антония Сийскаго, творение многогрешнаго Иоанна Русина

НА МАЛОЙ ВЕЧЕРНИ

Стихиры, глас 2.

Подобен: Егда от Древа:

Егда Бог восхотé ты избрати отвсюду, / озари
тя, преподобне, / тогда вся плотская мудрова-
ния увядил еси / и стопам Христовым последовал
еси. / Слава единому премудрому Богу.

Егда званием свыше озарився, / тогда диавола
крепко удавил еси / мужеством души добродете-
ли, / тем, яко на гору некую, добродетели востеце
легкими крылома духовными, / яко орел, ко Иеруса-
лимому возлетé. / О отче Антоние! / постником похва-
ла и утверждение.

Егда Отец избóлил есть, и Сын соблаговоли, / и
Дух Святыи укрепил ты, и обнови, / и обитель в тебе
сотвориша воистинну, / якоже рек Владыка Сво-
ими пресвятыми усты, / тако и совершися: / веруяй
в Мя Отцем Моим возлюблен будет, / и Аз возлюб-
лю его, и явлюся ему, / и прииду к нему, и обитель у
него сотворю, / но воистинну, отче преподобне
Антоние, / Святей Троицы, спребываючи с тобою,
и Святому Духу, действующу в тебе, / Ейже
непрестанно молися спасти души наша.

Слава, глас 4:

Приидите, вси вернии, / в память блаженнаго
отца нашего Антония, / и сего песньми и похваля-
ми, яко цветы, украсим, глаголюще: / радуйся,
Антоние, наставниче добрый, скорый избавите-
лю, / иже дальная, яко близ, провидя и предыду-
щая гадательствуя, / яко близ, прорицая нелож-
но, / земный Ангеле, Небесный человеке, / зрелый
грозде, в точилех Божественных положися, / вино
источил еси, и жажду лютую утолил еси, / и
веселуеши стаду твоему, / аки аромат, веселя души
их и сердца, / и ныне Троице предстои со дерзнове-
нием, / молися даровати душам нашим велию
милость.

И ныне, глас тойже:

Дéво, бра́ку неиску́сная, / Влады́чице Богоро́дице, / Иже ду́шу чи́сту и тéло несквэрно иму́щи, / моли́ся вѣну́ е́же из Тебé Ро́ждшемуся / сохра́нити ста́до Своё от всех волк губя́щих, / моли́ся Сѣ́ну Своему́, Христу́ Бо́гу на́шему, / приле́жно со блаже́нным Анто́нием / спасти́ся душáм на́шим.

На стиховне стихиры, глас 3.

Подобен: Вѣлия Креста:

Вѣлий явѣся ты, Анто́ние, / и́же в послéднем рóде просия́вший чудесы́, / и осиява́ющий за́падныя местá, / и на востóк просвещáяй, áки со́лнце, вселенну́ю обходя́, / благодáтию просвещáя, / и, ны́не Трóице предсто́я, / моли́шися спасти́ся душáм на́шим.

Стих: Блаже́н муж, бой́ся Го́спода, / в за́поведех Его́ восхо́щет зело́.

Вѣлия по́двиги тво́я и труды́: / обите́ль прекра́сну Святе́й Трóице себé соде́лал еси́, / преподо́бне Богоблаже́нне, / твори́ши чудеса́ и прогони́ши бѣсы, / и и́мени твоего́ свята́го далéче боя́щеся, óтче Анто́ние, / за чту́щия тя помолѣ́ся.

Стих: Священни́цы Тво́й облеку́тся в пра́вду, / и преподо́бнии Тво́й возра́дуются.

Видѣние твоё святоле́пно, / и чудеса́ тво́я Богоздáнна, / стра́шен безумным явля́йся / и мѣлостив вѣрным показу́йся, / по мору́ и по су́ху чудеса́ творя́, явля́йся, / óтче Анто́ние, Богоблаже́нне.

Сла́ва, глас 7:

Преподо́бне óтче Анто́ние, / испѣ́рва ми́ра возне́нави́де, / приле́жно в добродѣ́телях постѣ́всся, / орга́н бысть Пречи́стому Ду́ху, / те́мже и ны́не, в па́мь твою́ раду́ющеся, рцем: / раду́йся, Анто́ние, честны́й уме́, в пощѣ́ниях крѣ́пкий, / в моли́твах бо́дростный, / тем и ны́не, блаже́нне, áще и тѣ́лом оты́де от нас, / но ду́хом непреста́нно предсто́я с на́ми, / те́мже ты иму́ще к Бо́гу вели́ка ходата́йника, / не оскудева́й моля́ся Святе́й Трóице со дерзнове́нием, / стране́ побѣ́ды и одоле́ние на враги́ дарова́ти, / не преста́й сохра́ня́я оте́чество своё́ и рог правосла́вных возно́ся, / да тво́ими

моли́твами избáвльшеся от враг душéвных и телéсных, / рáдующеся, взывáем ти: / рáдуйся, Антóние, похвалá и утверждéние христиáном.

И ны́не, Богорóдичен, глас тойже:

Дéво Всенепорóчная, Мáти Христá, Бóга нáшего, / Рóждшая Бóга и Слово, / упразднiла еси́ вся́кую бесóвскую кознь Свои́м чiстым и нетлénным Рождествóм, / лю́дие бо избáвльшеся преле́сти Тобóю, / род челове́ческий спасён бысть, / и с Гаври́илом вопиём Ти: / рáдуйся, Обра́дованная, / Нетлénная Чiстая Мáти, Госпóдь с Тобóю.

НА ВЕЛИЦЕЙ ВЕЧЕРНИ

На Гóсподи, воззва́х: стихиры, глас 6:

Мирски́я суеты́ отрiнув, блаже́нне, / сень вме́нил еси́, / и, видéнием А́нгела, от Бóга посланнаго, / осенéнием Свята́го Дúха неизречéнно озарiвся / и от Него́ взем крест свой, / послéдова невозвратным по́мыслом, / и от Того́ тiхое iго восприя́л еси́, / и оттúду благодáть восприя́т, преподóбне, / исцеля́ти различныя стра́сти, / со А́нгелы собесéдник и преподóбным сожитель, / моли́ся Гóсподеви, Антóние преподóбне, / поми́ловатися душáм нáшим.

Преподóбне óтче, / кто испове́сть труды́ тво́я, и терпéние, и болéзнь, / или́ кий я́зык изречёт к Бóгу желáние и véру, бдéние и сухоядéние, / устнáми и умóм совершённое безмóлвие, / смирéние нелицемерное, моли́тву непрестáнную, / хúдость рiзную, пáмять смёртную, / Антóние, óтче наш, моли́ спаст́ися душáм нáшим.

Преподóбне óтче Антóние, / ты врач душáм и телóм явiся, / источáя недúжным исцелéния ре́ку, / дáром же от Бóга прорóчества украшен, / прорицáти, я́ко настоя́щая, бúдущая, / и моли́твою учени́кá своего́ Филофе́я воору́жи диа́вола победíти, / хотя́щаго отéчество твоё отры́гнути, / крéпко того́ потребiв, / мы же ти взывáем псалóмски, преподóбне.

Богонóсне, Богомúдре Антóние, / сла́вы маловре́менные оста́вь, / в пусты́нях, и в дéбрех, и в непроходiмых мéстех ты живiый явiся, / и Трóице, блаже́нне, чiстый дом быв, / Ея́же клáняся обра́зу, / и Дúха Свята́го приятелище тем бысть, / тем

прият от Бóга власть исцеляти недуги и прогонити бёсы, / живяше же в тебе Христос Бог наш, / Егóже исперва возлюбил, / Того моли, Антоние преподобне, / спастися душам нашим.

Ины стихиры, глас 8.

Подобен: О, преславнаго чудесе:

О, иже паче ума удивление / неизреченному Ти милосердию, Владыко Христэ, Царю, / Иже показал еси нам такую светильника / в последнем нашем роде, великаго Антония, / помощника и заступника земли Россійстей, / и чудес даром сего украсил еси, / и Духа Твоего Святаго осенением пророчеством всего совершил еси, / о, неизреченным Ти судьбам, Христэ Человеколюбче, Царю, / Егóже молитвами спаси души наша, яко Милосерд.

О, преславное чудо! / источник чудесем, под землю сокровен, / и луча исцеления испущает всем верным, / от души верою к нему приходящим, / и ныне являются всем чудеса твоя яве, / о Божие дарование, иже нам, земным, даровася, / егóже молитвами спаси души наша, яко Милосерд.

О, преславное чудо! / Делателю заповедей Христовых, Антоние прехвальне, / и по смерти, яко жив еси, / недужныя исцеляеши, и вся, к тебе притекающая, осияваеши чудесы / и просвещаеши души прокаженных житием, / Антоние преблаженне, / егóже молитвами спаси души наша, яко Милосерд.

Слава, глас 6:

Иже по образу соблюл, отче, ум владыку, / на страсти душетленные храбрости поставив, / на диавола воинствова подвиги своими, / яко копием неким, воздержанием твоим сего пробол еси / и в брэннем телеси ангельски на земли пожил еси, / яко заря света, Богоугодное и Божественное твое житие / западную страну просвети, / аще и ныне от нас преjde к Небесным обителем, / но духом непрестанно с нами предстои, / молися, чудотворче Антоние, / помилуватися душам нашим.

И ныне, Богородичен по гласу.

Вход. Прокімен дне и чтѣнія (зри страницы 151—153).

На литии стихиры, глас 6:

Приидіте, Божѣственное по́стник сослѡвие, /
приидіте, вси празднѡлюбцы, / Антѡнія блажѣн-
наго, по́стником наставника, почтѣм / и сего́ похва-
ла́ми, я́ко не́кими венцы, украсѣм, сѣце глаголю-
ще: / раду́йся, Духа Свята́го приятелище / и ни́щим
тѣплое избавлѣние. / Христову́ сло́ву, блажѣнне,
подража́тель был еси́, / якоже рекл еси́ Своѣими
усты́: / понѣже еди́ному сотвори́сте бра́тий Моѣх
мѣньших, Мне сотвори́сте. / И Тому́ блажѣнныя
твоя́ рѹце послужи́сте трѣбование и мѣлование, /
тѣмже от Христа́ прият нетлѣнный вене́ц, / и со
все́ми преподо́бными досто́йно ублажа́ем: / моли́ся,
преподо́бне, поми́ловати ду́ши на́ша.

Глас 7:

Добра́го, и пресла́внаго, и крѡткаго Учи́теля
нашего́ Христа́ / глас услы́шав, сѣце глаголю́щий: /
ѣже кто хо́щет итти́ по Мне, / да отвѣржется себѣ, и
во́змет крест свой, и послѣдует Мне. / Ты же,
блажѣнне, / взем крест свой, послѣдова во всем по
стѡпам Его́, / претерпева́я ско́рби, бе́ды, / изгна́ния
от мѣста на мѣсто, и укори́зны, / и посмея́ние любве́
ра́ди Бо́жия / и ожида́я от Него́ мзду трудо́в
твоѣих — воздая́ние. / И ны́не, преподо́бне, от Все-
держѣтельныя ру́ки Его́ / венцы́ нетлѣнными увя-
зѣся, / на Небеси́ похваля́емый и на земли́ сла́ви-
мый, / Христу́ моли́ся спасти́ ду́ши на́ша.

Глас 6:

Приидіте, духовнолюбцы, / составим торжество́
свѣтло блажѣнному Антѡнию, / в па́мь егѡ́ раду-
ющеся, рцем: / раду́йся, Небесный челове́че, зем-
ный Ангеле, / ѣже жити́е твоѡ Ангели похвали́ша и
челове́цы удивѣшася. / И ны́не в па́мь твою́
хвалы́ принѡсим, раду́ющеся, рцем: / Антѡние
блажѣнне, / моли́ спасти́ ду́ши на́ша.

Глас 5:

Проро́ка Ио́иля Господня́ прорече́ния ны́не
сбы́шася: / излию́ от Духа Моегѡ́ на всяку́ плоть. / И
ны́не, преподо́бне, изли́йся на тя благода́ть Пре-
свята́го Духа, / и тем ны́не, просвеща́ем от Него́, / и

чудеса́ дееши, осиявая, яко молния, зѣмлю Россійскую. / Исцелѣнием струями, яко солнце второе, / от запада на восток сияя по Господню словеси: / тако да просветится свет ваш пред человеки, / и да видят добрая ваша дела, / да славят Отца́ вашего, Иже есть на Небесех. / Ты же, преподобне, яко светило в темнем месте, чудеса́ сияя, / Христа́ моли, Антоние преподобне, / избавити от всяких бед души наша.

Глас 5:

О, дивное чудо! / Иже Христа́ ради вся оставивше, и в пустыню вселивша, / и храм великаго Архирея Николы воздвигше, / и ограды иноком создавше, / и не терпя враг от тебе надолзе досаждаем / и святыми твоими молитвами отгоняем бываше, яко огнем неким. / Тогда́ подвижая люди, подобныя ему́, / и от места сего́ изгоняют тя немилостивно, / яко агня незлюбива. / Ты же, по Христову слову преселяясь, якоже рек: / аще и изгонят вы из града, бегайте в другой, / они́ же, убо безумнии, не разумеша милости Божия, / иже посетит их Господь, / не возлюбивша благословение от Господа Бога / и от преподобных Его́, по пророку Давиду, глаголющему: / возлюбити клятву, и придет ему́, / не восхотѣ благословение, и удалися от него́. / Ты же, преподобне, оттуду на второе место преселяясь, / еже Сия* зовомое, / и тамо церковь прекрасну во имя Святыя Троицы воздвигше / и забрало добре иночествующим возградити. / Ниже паки оставляет тя и тамо диавол радуется. / Но Богу попускающе, / да явит тебе, яко войстинну еси предобр Его́ слуга, / и чудеса́ дееши, огонь светилицу касается от наваждения диавола, / и яко и самому основанию светильному возгоретися, / в ней же Божественный образ Живоначальная Троицы стояше. / Ты же, преподобне, не терпя сего́ зрѣти, / рыданием и слезами к Богу взываше: / о Владыко, вскую отвращаеши Лице Своѣ от раба Твоего́ / и Образ Свой Божественный от нас отъемлещи? / О, чудо! яко вскорѣ Богу услышавшу молѣние твоѣ, / и образ Свой,

* Сия — река Сия, приток Северной Двины.

святы́м Свои́м манове́нием / из огня́ носим, среди́ монастыря́ поставлен был. / Да ви́девше ученицы́ чúdo, / поревну́ют жити́ю тво́ему. / Сла́ва Еди́ному Прему́дрому Бо́гу.

Глас 2:

Ве́рою и любóвию / я́ко бо и́стиннаго по́стника Анто́ния / в па́мяти досто́йнаго почти́м, / я́ко лива́н, благоуха́еши чудесы́. / И по сме́рти, я́ко жив, явля́ясь, / чудесы́ просвеща́я, / Анто́ние блаже́нне, / моли́ изба́вити от бед ду́ши на́ша.

Глас 1:

Ра́дуется ны́не Не́бо, и земля́, / и челове́цы, в па́мять твою́ торже́ствующе, / ра́дуются и Христа́ похваля́юще, / я́ко такова́го свети́льника да́вшего нам в послéднем на́шем ро́де, / и́же чудес де́телями озаря́юще, / я́ко кедр, в до́му Бо́жии наса́жден, Анто́ние, о́тче наш.

Сла́ва, глас 4:

Росси́йская Божéственная, и вели́кая, и освя́щенная Це́рковь / в па́мять твою́ святу́ю на́пивши-ся учéнии, / с благове́рными же и со святы́тели свéтло и ра́достно вопиет ти: / ра́дуйся, Анто́ние, наста́вниче по́стником, / о́тцем красото́, чудесе́ де́телю. / И ны́не ра́ка тво́я Божéственная и чудоно́сная, / я́ко трубо́ю, вопи́ет тво́я Божéствен-ная отблагодаро́вания и исцелéния недужным всем, / ве́рою приходя́щим к мощéм твои́м / в па́мять твою́ святу́ю. / Не забу́ди, посеща́я нас, / и́же ко Го́споду, преподо́бне, твои́ми моли́твами.

И ны́не, Богородичен по гласу.

На стиховне стихиры, глас 5:

Ра́дуйся, освя́щенная главо́, / чи́стый уме́, плóт-ный Ангеле, Небе́сный челове́че, Вы́шняго Иеру-сали́ма сограждани́не. / Небе́сная жили́ща нетле́нная возлюбив, / тле́нная земна́я жили́ща оста́вив, / Самому́ Подвигополо́жнику да́вцу востече́, / до-сто́йно мзду восприима́я трудо́в свои́х, / и отту́ду, сия́нием Божéственным свы́ше озарився, / вселéн-ную просвеща́еши, Анто́ние преподо́бне, / постни-ком похвала и утвер́ждение.

Стих: Блажен муж, бойся Господа, / в заповедех Его восхощет зело.

Радуйся, яко и по смерти жив еси, / чудеса дееши и прогониши бесы, / и во снех настоятелю своей обители являясь, / и того от болезни здрава сотвориeши, / тцание к церкви творити повелеваеши, / и человеку некоему, на мори плавающе, являешься, / и от потопления и смерти горькия избавляеши, / и землю Российскую чудесы удивляеши, / постником похвала и отцем украшение, / преподобным сожителю и Ангелом сопричастниче, / Антоние, отче наш.

Стих: Священницы Твой облечутся в правду, / и преподобнии Твой возрадуются.

Радуйся, Антоние, скорый помощник / и в бедах и в скорбех радостное утешение, / недугующим исцеление скорое, / беспомощным помощь, и обидимым заступник, / и нищим Божественное утешение, / алчущим питатель, / идеже призываем, бываеши, / быстро предваряеши и вся милостивно назираеши. / И ныне хвально имя твоё во всей вселенней, / и молитвы твои святые, яко кадило, к Богу благоприятно восходят, / Престолу Его святому достигаючи и Того нам милостива творящи, / тем и ныне, блаженне Антоние, / молися Христу даровати стране нашей победы и на враги одоление / и сохранитися всякому граду от всяких напастей и бед / твоими молитвами, отче Антоние.

Ины стихиры, глас 2.

Подобен: Дому Евфрафов:

Дом Святей Троицы был еси, / источник чудесем, / преподобным слава и отцем красота, / реку веселия источаеши, / грозд райский, / вино разумное источил еси, / Антоние многочисудесне.

Дом Духу Святому был еси, / струя многих исцелений, / измывая душевныя и телесныя страсти, / привлече многих души ко спасению, и на пажитех духовных добре упасе, / и ко Христу настави тещи, / Антоние многочисудесне.

Дом многих чудес был еси, / Антоние преподобне преблаженне, / сокровище неоскудеваемое, / чудес бездна, / благодати Святаго Духа приятелище,

преподобне, / милости пучина, / велий еси, Антоние
прехвальне и многочисудсне.

Слава, глас 7:

Срадуитесь с нами днесь, вся христоименитых
собрания, / нарочитых Боголюбивых людей Рос-
сийских с первосвятителем, / со архиереи и епис-
копы, / священники же и простыми / и весь возраст
человеческий, / в память рцем блаженнаго отца
нашего Антония: / радуйся, жилище Святаго
Духа / и обильное благодати подателище, / неос-
кудная милости пучина, / пристанище болящим
милостивное, / труждающимся избавитель; / ра-
дуйся, Божественная и всечестная обитель, / иде-
же положися Божественное и святое твоё тело. /
Тем радуется стадо множества ученик твоих, /
видяще чудеса твоя, / и хвалятся тобою паче
богатства многа, / имеющие неоскудеваемое сокрови-
ще; / радуйся, иже верою и любовью чтущих и
почитающих священную память твою / милостивно
их назираеши своими молитвами, / не оставляя,
посещаеши и избавляеши от всяких напастей и
бед / твоими ходатайствами и заступлением, / и ныне,
преблаженне, взыде к вечным обителем, / к Неве-
чернему Свету, Божественными зарями просвещаем;
/ радуйся, Духа Святаго приятелище / и всем
радостное упование; / радуйся, яко страна запад-
ная тобою веселится, / имея тя к Богу ходатая и
молитвенника крепка. / И ныне, блаженне, зеркалом
разрешшимся / чисте смотриши Святую Троицу, /
за чтущая тя, предстоя, помолися, / яко дерзнове-
ния имущи к Ней. / Помяни нас в своих
молитвах, недостойных раб, / и о победе на враги,
и о святителях, / и о иноцех, и о священниках, / и о
всем православном христианстве, / спастися от
всех бед, видимых и невидимых, / твоими к Богу
молитвами, отче Антоние.

И ныне, Богородичен.

Тропарь, глас 6:

Иже воистинну на земли тя Ангела / и на
Небеси человека Божия почтим, / сию жизнь
суетную оставль, / яко воистинну преудобрен воин

Христá Бóга, / на страсти душепагубныя подви-
зався в жизни сей суетней / бдением и пощением, /
во всем быв образ своим учеником. / Тёмже бо в ты
вселіся Пресвятый Дух, / Егóже дѣйствиєм светло
украшен, / но яко имѣя дерзновѣние ко Святѣй
Трѳице, / поминай святую обитель сию / и стадо
свое, еже собра, мудре, / и не забуди, якоже
обещая, / посещай чад своих, / Антоніе преподоб-
не, отче наш.

НА УТРЕНИ

По 1-м стихословии седален, глас 4:

Божественнаго и пречистаго Антонія настá
днесь пáмьятъ, / созывает торжество, радуемся,
вопиюще: / радуйся, Антоніе, постником похвала
и утверждение.

Слава, и ныне, Богородичен, глас 3:

Божіе жилище, Святáя Дѣво Богородице, / Мати
Безневѣстная Христá Бóга нашего, / Иже дланьма
Своима носила еси, / Божественными молитвами
избави нас от всякия беды и напасти, / воспева-
ющих и кланяющихся Рождеству Твоему.

По 2-м стихословии седален, глас 6:

Яко войстинну преудобрен воин Христов был
еси / и Того тихое иго восприял еси, / мзду трудов
своих приял еси на Небесех, / венец нетленный от
всех Дателя, Христá Бóга, / Владыки, Творца
нашего, / Того моли избавити от бед души наша.

Слава, и ныне, Богородичен, глас 5:

Дѣва днесь ко Иерусалиму грядет и близ Вифле-
эма есть. / Пастыри удивляются, волсви дары
готовят / явленному от Дѣвы Христу нас ради,
Тому дары хотяще принести. / Мы же Ти вопием: /
Благословенна Ты в женах, Всенепорочная
Владычице.

По полиелеи седален, глас 5:

Древле убо пророка Иоиля проречения сбывша-
ся: / излию от Духа Моего на всяку плоть. / Излился
на ты благодать Святаго Духа и действует в тебе, /
и рака Божественная твоя источает исцеления. /
Радуйся, Антоніе, иночествующих удобрение.

Слава, и ныне, Богородичен, глас 7:

Свѣше Святаго Дѹха прїятелїще, Пресвятая Дѣво, / ѡже в Твою пресвятую утробу вселїся Сын Твой и Бог наш, / нас от ислѣнїя избавил естъ, яко Человеколюбец.

По 50-м псалме стихира, глас 6:

Иже Ангелом радость / и человеком на землї веселїе, / яко воистинну истиннаго постником наставника, / отцем славу, Антонїя, / Дѹха Святаго прїятелїще, / похвалїм, в память его радующеся, / хваляще Христа, и сїце рцем: / радуйся, Антонїе блаженне, / моли Христа помїловати дѹши наша.

Канон преподобному Антонию, глас 4:

Ирмос: Под облаком свѣтлым / и столпом огненным наставляемый, / прошед море сушею / и сїе пешешествуй, яко в пустыни, / избранный Твой Израїль, Христѣ, / побѣдную песнь поет Тебѣ, Господи.

Неизреченным Божественным сиянием просветився, блаженне Антонїе, / отверзи ми, недостойному, устне, / яко да возмогу воспѣти твою память, / и исповѣм твои чудеса, и оттрясу мое омрачѣнїе, / да Христу, радуясь, взываю исходную песнь, Ти, Господи.

Иже сиянием Дѹха Святаго мїра отрешїся, преподобне, / обїтели достигаеши и тамо мирская мудрванїя оставляеши, / радуясь, крест свой взял еси, и Владыце последовал еси, / и оттоле к дебрем устремїся, по пророку, глаголющему: / се удалїхся и водворїхся, бѣгая, в пустыни, / радуясь, взываю исходную песнь Ти, Господи.

Любовїю, блаженне, ко Христу весь ся сам уязви, / ароматом Святому Дѹху положися, / пшеница зрѣлая Божественная, в житницах Небесных водворяешися, / ѡже и преїде от нас к Небесным жилищем, / и мочи твои Божественная в память твою всем подають исцелѣнїя, притекающим к раце мощей твоих, / Антонїе, удобрѣнїе Божественное.

Вїдите блаженнаго и преподобнаго отца нашего Антонїя, / како на землї ангельски поживѣ / и,

плоть свою Христа ради изнури́вше, / весь, яко шипок, благоухает исцелёнными, / неоску́дно подава́ет их всем верным, приходя́щим к ра́це мощей его́, / Анто́ние, помощниче тёплый.

Богородичен: **И**же в жена́х Чистая, Богородице, Благословённая Мари́е, / несквёрная Отрокови́це, ца́рская Пала́то, / **И**же во утробу Твою́ всели́ся Бог, / моли́ся Сы́ну Твоему́ изба́вити нас от всякаго обстоя́ния, / да, раду́ющесея, вопие́м Сы́ну Твоему́ исходную́ песнь, Ти, Го́споди.

Ин канон преподобнаго, глас 1.

Песнь 1

Ирмо́с: Спасе́ лю́ди чудодёйствуяй Влады́ка, / мо́крую мо́ря во́лну оземле́нйв дрéвле; / во́лею же ро́ждся от Де́вы, / стезю́ прохóдну Небесе́ полага́ет нам. / Егóже, по существу́ равна́ же Отцу́ и челове́ком, сла́вим.

Спаси́, преподо́бне, лю́ди согре́шшия, отча́яныя, / побеждёны враги́ душе́вными и телесными. / Напа́сти умно́жишася, и ско́рби прибли́жишася, / изми́, Анто́ние блаже́нне, нас от всех бед / **и**же ко Христу́ твоими́ моли́твами.

Уже́ бо прибли́жишася к нам врази́ на́ши, / сы́ны диа́воли, христи́аном ненави́стницы, / слúзи сатани́ни, стрéлы угото́виша на ны, / в бездну́ и ров хотя́ще нас ври́нути, живы́х поглоти́ти. / **И** несть уже́ нас к тому́ избавля́ющаго никогó же. / Услы́ши нас, Анто́ние, помози́ нам.

Беды́ а́довы, и ско́рби, и болéзни обыдо́ша нас. / Врази́ на́ши на ны устремй́шася, и несть помога́ющаго. / Анто́ние блаже́нне, свои́ми моли́твами изба́ви нас, / да не конéчне изги́бнем, Анто́ние преподо́бне, по́стником удо́брение.

Богородичен: **О** Де́во Свята́я, / вся́ку призира́еши раб Свои́х моли́тву, / ко **И**же воплощённому из Тебе́ Сы́ну, Христу́ Бо́гу на́шему, не преста́й моля́ся, / Ты бо еси́ похвала́ и заступле́ние христи́аном, Богородице Чистая.

Песнь 3

Ирмо́с: **В** Го́споде Бо́зе моём / се́рдце моё утверди́ся, / тем немощствую́щии препоя́сашася си́лою.

О Господе Бóже нашем утвердися сердце твоё, преподобне, / невозвратным желанием последовал еси, / не дал еси сна своим очима, / дондеже до пристанища, блаженне, тихаго достигл еси, / и во двóрех живёши Божественных, идеже глас празднующих веселит вся, / и тамо Престóлу, преблаженне, предсто́й / и рог православных вознося́ своими, преподобне, мо́литвами.

О Христé укрепляем, вся коварства вра́жия, яко сеть, раздрал еси / и бодренными мо́литвами, бдением иску́сен явися наставник, / светонóсным сиянием просвещаем, Трóицы предсто́й Престóлу, / о лю́дех наших моля́ся и рог вознося́, / от нас же прими́ малое ти приносимое пение.

Яко во́истинну благочестия наставник, / всем скорбящим тёплое утешение, / болящим исцелитель, пророчества украшен, / ученику́ твоёму некогда от врага́ побеждёну быти, / помыслом утайти тщашеся от тебе, / но ты, яко вся проведё, и сего́ иску́сна ино́ка в добродетелех соверша́еши, / Анто́ние, отце́м похвала́.

Благодать от Бóга прият, óтче Анто́ние, / чудеса́ творити и прогонити бёсы от человек, / иже чудотворением честны́я и святы́я ико́ны, иже в Трóице Господа Бóга нашего Иисуса Христа́. / Сиé тебе Бог воздаяние дарова́, / да явит, яко во́истинну уго́дник еси́ Егó. / И ны́не Престóлу Ея́ предсто́й, / со дерзновением моли́ся подати стране́ нашей победы́ на враги́. / Ра́дующеся, поём ти: ра́дуйся, Анто́ние прехва́льне.

Богородичен: **О** священная Дёво, духо́вный хра́ме, / второ́е небо одушевлённое, / ца́рская багряница́ внутри́ чрева́ Ти истка́ся, / Божественная́ плоть Христа́ Бóга нашего, / Егóже моли́ изба́вити от всех обстоя́ний раб Свои́х / Твоими́, Дёво, мо́литвами.

Ин

Ирмос: **П**ри́зри на пения́ рабо́в, Благоде́телю, / врага́ смиря́я вознесённую горды́ню, / нося́й же, **В**севидче, греха́ превы́шше / непоколеблемо́ утверждё́ныя, **Б**ла́же, певцы́ / основа́нием ве́ры.

Приидите, вси русстии народи, ко блаженному гробу честнаго Антония, / возопийте от души со слезами. / Уже, Антоние блаженне, / врази наши душевнии побеждают. / Предварй, исхити ко Христу твоими молитвами, преподобне Антоние.

Преподобне, в память твою сошедшеся, услыши нас, озлобленных греховными страстьми. / Божественными своими чудесы, яко молниями, Церковь свою и страну свою осияй, / яко да избавимся твоими молитвами в день неведения.

Богоносе, солнца светлей настá праздник твой, всеблаженне, / озаряя подсолнечную чудесы, / услыши нас, беспомощных, молящихся, / избави нас от враг наших и стране победы на враги дай. / От нас же прими, аще и малое, ти приносимое моление.

Богородичен: Восхотé Бог человеческое естество обновити, / иже иногда истлевшее преступлением Адамлим, / преклонь небеса и сниде, в Твою, Дéво, нетленную утробу вселяется, / херувимское носило явися Небес ширше, Дéво, поносивши Зиждителя Своего, / Того́ яко Милостива моли спасти́ души наша.

Седален, глас 6:

Яко войстинну истиннаго постника и Божественнаго храборника, царскаго воина Антония почтим. / Иже постом, и бдением, и молитвами тело свое удручив, / от Христа венец прият преподобнический. / И ныне Престолу Святей Троицы предстоя, / молися избавити от бед души наша.

Богородичен:

Иже осенением Святаго Духа воплощшееся Слово Божие во утробе Твоей / на спасение наше воспойм, вернии, / иже честное Твое Рождество, Неискусомужная Отроковице, Богородице Дéво, / спаси всех, иже воспевающих и кланяющихся безсеменному Рождеству Твоему.

Песнь 4

Ирмос: Твоего на земли явления, Христé Бóже, / проповедаая пророк пришествие, / с веселием вопи-яше: / слава силе Твоей, Гóсподи.

Твоих услышав, преподобне, чудес милости, кто не удивится? / Ибо и еще живу ти сущу, / и от уз вся избавляеши нерешимых, / и бесы от человек прогониши, Антоние, теплый избавителю.

Твое, отче, терпение, и молитвы, и труды, / многожды бо от ученик своих отходя, тело свое на снадение мшицам предав, глаголаше бо о себе: / убогий Антоние, / аще не можеш претерпети худыя сея и малыя мшицы, / како претерпиши огонь вечный? / Но ты, отче, всяческая сладостию претерпевая, / образ быв своим учеником, Антоние блаженне.

Терпение твоё, блаженне, и молитвы, / яко облак, огнём на Небо восходя, / тем тя Всевидящее Око даром пророчества украшает и чудесы просвещает, / вселенную всю озаряеши и во снех и видениях своими ходатайствы милостивно назираеши, / всяк, иже приходя, никтоже тощ отходит от твоея честныя раки, / исцеление получаая, Антоние чудотворче.

Богородичен: Еди́на Благословенная Чистая Де́во, в женах Всенепоро́чная Отрокови́це, / иже во утробу Твою́ всели́ся Христо́с, Бог наш, неизрече́нно из Тебе́ про́йде на избавле́ние на́ше. / Да спасе́т всяческая, яко Человеколю́бец.

Ин

Ирмос: *Рода челове́ча обновле́ние / дре́вле, поя, проро́к Авваку́м предвозвеща́ет, / видети неизрече́нно сподобився о́браз: / младо́й Младене́ц бо из горы́ — Де́вы, изы́де / люде́й во обновле́ние, Сло́во.*

Род челове́ческий по до́лгу тя призыва́ет и блажи́т, Антоние, / попо́лзшихся нас в лю́те беззако́нии, / моли́твами свои́ми, яко ру́ку некую́, проstri и изба́ви нас, утопа́ющих лю́те беззако́нии на́шими, / якоже иногда́ челове́ка с лодиею изба́вил еси́, / тако и ны́не предвари́ и спаси́ ны.

Лю́те нам, грешным и отча́янным, беззако́нно-вавшим. / Услы́ши, Антоние блаженне, исхити нас, преподобне, беззако́ний на́ших, да не в ко́нec поги́бнем. / Да, изба́вьшеся твои́ми моли́твами от враг ви́димых и неви́димых, / раду́ющеся, взыва́ем ти, Антоние, теплый помо́щниче.

О Анто́ние блаже́нне, и́же дар чуде́с прие́м от Бо́га, / моли́ся Христу́ Бо́гу о непотре́бных и недостойных раба́х твои́х, побежде́ни мы беззако́нии на́шими, / да не в ко́нec поги́бнем, / но твои́ми свяще́нными моли́твами изба́вимся от всех враг, ви́димых и неви́димых, Анто́ние прехва́льне.

Богоро́дичен: Пресла́вная Отрокови́це, Ма́ти Христа́ Бо́га на́шего, / недове́домая глуби́на, бра́ку неиску́сная, / моли́ся Сы́ну Твоему́, Христу́ Бо́гу на́шему, / И́же из Тебе́ ро́ждшемуся на спасе́ние на́ше, / да изба́вит нас моли́твами Твои́ми от всех враг, Де́во Помо́щнице.

Песнь 5

Ирмо́с: Просвеще́ние Твое́, Го́споди, низпослѝ нам / и от мглы прегреше́ний разреши́ ны, Бла́же, / Твой мир да́руяй.

Просветѝ вся ра́зумом Божѣственным / и в пусты́ню всели́ся, Христа́ еди́наго возлюбѝ еси́ / и Того́ осия́нием Свята́го Ду́ха прие́м дар чуде́с, / избавля́ти вся в ну́ждах, и́же к тебе́ притека́ющия, Анто́ние Богоблаже́нне.

Просвѣща́ся Христо́вым ра́зумом и шаро́вным* писа́нием на ико́нах, / ум к первообра́зному возводя́ и оттуду́ ра́зумом духо́вным и сия́нием Свята́го Ду́ха просветѝся, / до ко́нца па́губныя стра́сти погубѝ еси́ бо́дренными моли́твами, Анто́ние многочуде́сне.

Просветѝ на́ша по́мыслы и ду́ши Божѣственны́ми моли́твами / и отжени́ от нас вся́ку я́зю и всяк недѹг, / от разли́чных нас недѹг и бед избавля́я, / вездѣ́ бо призыва́ем: бы́стро предва́ряеши / и, обходя́ вселе́нную, назира́еши чуде́сы, Анто́ние моли́твенниче.

Богоро́дичен: Благослове́нная Чи́стая пресла́вная Де́во Богоро́дице, всем Помо́щнице, / И́же в Твою́ Божѣственную утробу́ всели́ся Христо́с, Бог наш, / неразруши́му сохрани́, / тем не преста́й моля́щи о пою́щих и хва́лящих Тя, / Де́во, Помо́щнице христиа́ном.

* Шаро́вным — прекрасным; преподобный Антоний Сийский был известным иконописцем.

Ин

Ирмос: Из но́щи дел омрачѣнныя прѣлести/
очищѣние нам, Христѣ, / бѣдренно ны́не соверша́-
ющимъ песнь, ꙗко Благодѣтелю, / прииди́, подава́яй
удѣбну стезю́, / по нѣйже востека́юще, обрящемъ
сла́ву.

Из но́щи вопиѣмъ ти, о Анто́ние блаже́нне, /
темнота́ беззаконія пости́же, и но́щь грехо́вная
обѣде нас. / Прибли́жихомся ко врато́м а́довым, / и
несть уже́ нам по́мощи. / В бѣздну грехо́вную
последнюю́ достиго́х, / услы́ши, блаже́нне, исхити́,
возведи́, изба́ви. / Аще и Христа́ в ко́нec ꙗ́рость
Его́ разжего́хом, / не оста́ви, Анто́ние блаже́нне, /
не преста́й за ны моли́тися, изба́вити от вся́кия
напа́сти твои́ми моли́твами.

Страстьми́ душетлѣнными растлѣхомся / и в
ко́нec жити́я достиго́хом, / ум наш изнемо́же, дух
иструпи́ся, / колѣни оцепене́сте, о́чи исчезо́сте, /
ру́це ослабо́сте, и несть нас избавля́ющаго. / И не
отри́ни рабъ своихъ в ко́нec, да не грехи́ нашими́
поги́бнем, / исторгни́, предва́ри, Анто́ние чудото́с-
че.

Во дни и в но́щи погружа́еми есмь грехи́, /
оттряси́, блаже́нне, безбо́жия мглу ду́ши нашея / и
бѣдренными си моли́твами озари́ наша ду́ши и
сердца́. / Да не в ко́нec поги́бнем в беззаконіихъ
нашихъ, / да не до ко́нца облада́ни бу́дем враги́
нашими́, / ты бо еси́ наше избавле́ние.

Богородичен: Иже во днехъ и в но́щехъ соблюда́-
еши вся Свои́ми ходата́йствы, Чи́стая Несквѣрная
Де́во, / и сохраня́еши от напа́сти и от бе́ды, / не
преста́й моля́ся Сы́ну Си Христу́ и Бо́гу нашему́, /
Иже изба́вити всехъ, испове́дающихъ Тя, Чи́стую
Богороди́цу.

Песнь 6

Ирмос: Бу́рею грехо́вною погружа́емь, / ꙗко во
чре́ве китове содержи́мь, / с проро́комъ зову́ Ти: /
возведи́ от тли живо́т мой, / Го́споди, и спаси́ мя.

Бу́ря воста́ша на ны. / Твои́ми моли́твами, препо-
до́бне, тишину́ сотвори́, / отгоня́я вся́кий видъ
вра́жий, / ꙗко да возвели́чится Божѣственный

твой праздник, / да радостию и веселием торжествоуем, Антоние Богодухновенне.

Буря беззаконий нас постигши, / окрили и просвети своими молитвами, / да спасаеши вся, иже к тебе притекающия, / и спасаеши от треволения и бури / влающия помышлении житейскими, / в пристанища тихая окормляеши / и ко свету разумом Божественным наставляеши, / Антоние предивне, просвещая.

Буря бесовская сердце мое возмущает. / Не предаждь, Антоние блаженне, раба своего, яже к тебе притекающаго. / Тишину подаждь души и телу. / Да не порадуется супостат о погибели моей и пагубе / и не пожрет мене в прелести своей. / Предвари и спаси мя, Антоние, избавителю Божественный.

Богородичен: Бурею Божественной разженилежащее от врага уныние, леньность души моея, / Иже Сын Твой и Бог наш нас ради в Твою пречистую утробу вселися, / распятие вольное претерпел, и смерть вкуси, и воскрес тридневно, / овча есмь Божественная Его стада, / егоже искупи честною Своею кровию. / Не презри мене, Дево Всесвятая Богородице, Теплая Помощнице.

Ин

Ирмос: Обитая Иона в преисподних морских, / прийти моляшеся и бурю утолти, / узнен же аз мучащаго стрелюю, / Христу воспеваю, зол губителю, / скоро прийти Тебе к моей лености.

Плавающия беззакония своими, уже потопляеми есмы / и, яко китом, пожираемы есмы, / врази наши уготовишася на ны. / Антоние, не остави, вскую отреваеши молитву нашу, / доколе не призриши на въздыхание раб твоих? / Велий еси, блаженне, / и велия чудеса твоя, и препрославлен еси, Антоние, избави нас.

Пламень греховный грехи нашими разпалися, / врази наши и окрестнии радуются о погибели нашей. / И аз ти вопию: / буди стена нам, от враг наших заступление, Антоние. / Да не погибнем за беззаконие грех наших, прехвальне Антоние.

Плавающе в беззаконии, и несть избавляющаго нас, / осени, и сохрани, и воста́ви ны от пото́плёния грехо́вныя бу́ри, / и возведи́ ко приста́нищу Божество́вныя во́ли Христо́вы. / Ты бо еси́ по́мощь и утвержде́ние на́ше, Анто́ние достосла́вне.

Богоро́дичен: Пото́пихомся в беззакониих сво́их, и несть помога́ющаго, / Чистая Отрокови́це, возста́ни на по́мощь на́шу, / не преда́ждь досто́яния Твоего́ сыно́вом бесо́вским, / Ты бо еси́ христиа́ном Засту́пница.

Конда́к, глас 3:

Христа́ единаго вожде́лев, / и к Тому́ любви́ю уязви́вся, / и Тому́ неотло́жным путе́м последовал еси́. / Всякое житё́йское наслажде́ние возненави́дев, / темже, я́ко второ́е со́лнце, чудесы́ сияя, / и сего́ ради́ тя да́ром обогати́ Влады́ка, / помина́й нас, чту́щих пресве́тлую па́мь твою́, да зове́м ти: / ра́дуйся, Анто́ние, преподо́бне о́тче наш.

И́кос:

Ева́нгельский глас разуме́в, преподо́бне, / вся мирская́, я́ко суету́, вмени́, хотя́ше ми́ра отрешити́ся и Христу́ еди́ному сожителъствовати. / Те́мже Всеви́дящее Око, с высоты́ на тя на зе́млю призре́в, / и от я́га рабо́тнаго свобожда́ет тя, / и от того́ засвя́заннаго разреша́ет. / Ра́дуйся, я́ко оста́вил еси́ мир и я́же суть в ми́ре, / до́лу влеку́щая мудрова́ния, я́ко кал, оплева́в. / Ра́дуйся, я́ко дости́же в видёнии А́нгела Само́го Го́спода, / Я́же крест твой вручи́в тебе́ и рек ти: / возьми́ крест свой, гряди́ во след Мене́, / иди́ и подвиза́йся, не убойся ко́зней диа́вольских, / бу́деши муж жела́ний духо́вных. / И последовал еси́ Христу́ нера́зумны́м по́мыслом. / Ра́дуйся, я́ко дости́же монасты́ря Пахо́миевы пу́стыни. / И та́мо крѣпце на диа́вола устреми́ся, / о́бразом а́нгельским просвѣща́ся, / и отто́ле хотя́ тя Бог бо́льма чудесы́ просла́вити. / Ме́сто си́е назна́менует, а́ки пер́стом, / и сотвори́ет тебе́ изы́ти из оби́тели. / Ра́дуйся, блаже́нне, бесо́вская ко́зни потреби́в пощени́ем, и бде́нием, и моли́твою. / И на сем ме́сте Христа́ просла́вил еси́ и це́рковь во я́мя Святы́я Трои́цы воздви́гнул еси́. / Ра́дуйся, я́ко запале́ние огня́

установил еси / Божественнаго храма, и Святыя Живоначальные Троицы образ, из огня изшедши, на руке тебе дастся. / Радуйся, яко от Бога дар прият исцеляти недуги и прогнати бёсы образом Живоначальных Троицы. / Радуйся, яко даром пророчества от Бога украшен / и ученика своего Филофея от соблажнення диавола исхитил еси. / Радуйся, яко тело свое мшицам и пауком на снадение дал еси. / Радуйся, яко отшествие свое к Богу предвидя, учеником своим предглаголеши. / Радуйся, яко преставися к Невечернему Свету и Престолу Святыя Троицы предстоиши, / Еяже за ны непрестанно моли. / Радуйся, яко и по смерти бёсы прогониши именем своим святым. / Радуйся, яко человека от потопления избавил еси на мори с лодиею. / Радуйся, настоятеля своей обители игумена Питирима от болезни избавил еси / и к церкви тщание творити повелел еси. / Радуйся, яко духовнаго, и преблаженнаго, и преподобнаго великаго Антония житию подражал еси. / Радуйся, яко блаженнаго и преподобнаго отца Сергия житию последовал еси. / Радуйся, иноков похвала и утверждение и молитвенник тёплый, / иже отечество свое сохраняя от враг ненаветуемо. / Радуйся, Ангелом сопредстольник и преподобным сожитель. / Радуйся, Антоние, преподобне отче наш.

Песнь 7.

Ирмос: *Благословен еси, Боже, в пещи отроцы исповедаху, / Ангела же слышаху, вопиюща к ним: / се услышася моление ваше.*

Божественным светолитием разумом просвещен, / духовно себе окрилив, на враги борения поставив крепко, / мужески подвизався, и новоявлен чудотворец показася, к Христу взывающий: / благословен еси, Господи, Боже отец наших.

Божественная и всечестная настая память твою днесь, преподобне Антоние, / привлекаая верных сердца любовью чудес твоих / верно торжествовати чудесам твоим / и, радуясь, Христови взывати: / благословен еси, Господи, Боже отец наших.

Благословѣн еси от Христа́ Бóга, преподóбне Антóние, / яко уловѣл еси дýши мнóгих во спасѣние / и, яко степѣньми, от земли на Небо возводѣя и приводѣя ко Христу́ нóвым житиѣм по́стных собóри, Христу́ вопи́ющих: / благословѣн еси, Гóсподи, Бóже отѣц нáших.

Богорóдичен: **Благословѣнная Чѣстая Нетлѣнная Отроковѣце, / Иже нáшему спасѣнию Ходáтаица явѣся. / Огнезрáчный престóл Божѣственный, нань же Херувѣми не мóгут зрѣти, Тобóю нам, Влады́чице, избавлѣние показáся. / Тѣмже Сýну Твоему́ вопиѣм: / благословѣн Бог отѣц нáших.**

Ин

Ирмос: *Всецаря́ любóвию уловѣннии, óтроцы / укорѣша безчѣсленно яря́щая мучѣтеля злобóжное языковрѣдие, / ѣмже повинýся огонь мнóгий, / Влады́це глагóлющим: / во вѣки благословѣн еси.*

Всех Царя́ и Бóга устыдѣся вочеловѣчения прише́ствию, / и сегó рáди жестóким путѣм Небесѣ шѣствовал еси, / и узкими и тѣсными враты́ ширóкое и прострáнное Цáрство восприя́л еси, / и ны́не, Святѣй Трóицы Престóлу предсто́я, / не забúди нас, соверша́ющих священную ти пáмять, / твоими молѣтвами, глагóлем рáдостно Влады́це: / во вѣки благословѣн еси.

Царя́ Небеснаго Престóлу предсто́я, блажѣнне, / непрестáнно молѣся Цѣркви побѣды даровáти, / зачина́ющих с ней брáни погубѣ / и всякаго врагá борѣтеля покорѣ, / лю́ди от всякѣя беды́ и напáсти избáви своѣими молѣтвами. / Да твоими ходáтайствы избáвльшеся от враг вѣдимых и невѣдимых, рáдующеся, Влады́це вопиѣм: / во вѣки благословѣн еси.

Цáрствия рáди Небеснаго мѣра преобѣдев, слáвне, / на земли́ а́нгельски пожѣл еси. / В сѣлех прáведных водворѣяся, не оста́ви, не оскудевáя молѣся о рабѣх своѣих, / ѣже вѣрно святую́ ти пáмять соверша́ющих, / бед, и скорбѣй, и напáстей избáвити ста́до твоѣ, от волк, губя́щих е. Ужѣ бо на ны вооружáются сýны агáрянсти, стрѣлы и лу́ци уготóвиша в рука́х своѣих. / Но тех погáнская нашѣствия покорѣ нам, / яко да, избáвльшеся от

них твоими молитвами, вопиём Владыце, глаголюще: / во веки благословен еси.

Богородичен: Царское седище, одушевленный храм, Божие слово, о Дево, / одр и палата, о Пренепорочная, / о Мати и Дево Божия, о Милостивая Владычице, / возведи отчаянных, постави падших, Твое бо есмь жребие, / не остави раб Твоих в конец, яко милостива еси, / умоли Сына Твоего и Бога нашего, / да радостною душею вопиём: / во веки благословен еси.

Песнь 8

Ирмос: Во образе Ангела, явльшагося в пещи огненной песнословцем, Христа Бога пойте, отроцы, / священницы, благословите, / людие, возносите во вся веки.

Иже во образе Ангела явльшагося тебе Бога, блаженне, / глаголюща в видении и крест тебе твой давши в руке, глаголюща: / гряди по Мне и буди искусен инок. / Сего ради вельми подвижася, преподобне, / дондеже пучину страстей изсушил еси. / Тем и на Небесех обрете мзду трудов своих, Христу вопияше: / священницы, благословите, людие, возносите Его во веки.

Иже во образе Ангела Христова явльшася тебе, Егоже возлюбил еси, преподобне, / непрестанными слезами и молитвами, дондеже яве сподобися нетленному блаженству, / не оскудевая, молися о иже к тебе верою призывающих в память твою. / Радующеся, поем Христови: / священницы, благословите, / людие, возносите Его во веки.

Иже во образе Ангела Владыце показавшу тия, / Того моли, преподобне, оставление подати прегрешением, / долги оставити и от лютыя беды избавити, / мук, душевных и телесных, / и враг, видимых и невидимых, супостат наших отгнати / еже ко Христу твоими молитвами, / да в память твою, радующеся, вопиём Владыце: / священницы, благословите, / людие, возносите Его во веки.

Богородичен: Ангелом иногда в пещь к детям сошедшаго, / Свое Владыка от Тебе проявляет, Девó, безсеменное рождество, / якоже бо огонь

юных не опали,/ такоже и Божественный огонь
 пречистаго Ти чрева не опали,/ нам Тобою явися
 спасение,/ иже иногда Евою из рай извержени
 быхом,/ Тобою Владыка Христос в рай вся возво-
 дя./ Тем, радуящися, вопиём:/ священницы, благо-
 словите,/ людие, превозносите Его во веки.

Ин

Ирмос: Утробу неопально образуют Отро-
 ковицы/ иже в ветсем опаляемии юноши,/ пре-
 естеством раждающую запечатленну./ Обою же,
 содеваючи чудодейство едино,/ люди к пению
 возставляет благодать.

Утро ми возсияй, преподобне,/ иже помрачихся
 беззаконии моими люте,/ и несть поставляющаго
 мя,/ избави и восхити от волка мисленнаго,/ и
 просвети душу мою помышлению Божественны-
 ми,/ и к свету разума настави.

Горе нам, согрешившим,/ и несть врача, избав-
 ляющаго нас./ Услыши, Антоние, раб своих
 бедующих/ и не презри в напастех и скорбех,/
 изыми ны от зол, находящих нам, предвари и
 спаси,/ исторгни и исхити, возстави к разуму
 благочестия.

Антоние благочестне, не презри вопиющих, до
 конца исчезающих,/ к тебе бо прибегахом, тепло-
 му заступнику и помощнику нашему./ Просвети
 наше малоумие, и нечувствие сердца нашего
 прими,/ яко отец чадолюбив, и не отрини молит-
 вы наша в конец,/ к тебе бо прибегах, теплому
 заступнику и помощнику нашему.

Богородичен: О преславная Дево Богородице,/
 услыши воздыхание и слезы раб Твоих,/ смири-
 хомся в персть и попрани быхом враги нашими./
 Доколе поношают врази Имя Сына Твоего, Христа
 Бога нашего, и Твое,/ доколе не услышиши
 стенание и воздыхание раб Твоих?/ Да посрамят-
 ся вси, являющи рабом Твоим злая,/ и крепость
 их сокрушится от всякия силы, и разумеют
 войстинну,/ яко един Бог, Сын Твой, Господь/ и
 Ты едина, Богородице, Помощнице христиа-
 ном.

Песнь 9

Ирмос: Величаем вси / человеколюбие Твое, Христэ, Спасе наш, / Славо раб Твоих / и Венче верных, / возвеличивый память Рóждшия Тя.

Возвеличим тя вси, Антоние преподобне, / яко источаеши чудеса и твориши исцеления комуждо, к тебе притекающему, / никто же бо тощ отходит. / И ныне помилуй и избави, сохрани всех, тебе призывающих.

Возвеличивый и прославивый на земли тя Христос Бог наш, / якоже рече Своими святыми усты: / прославляющего Мя прослаблю. / Того моли, блаженне Антоние, избавити от напастей и треволения / твою воспевающих память, блаженне.

Воспех твою всечестную и чудотворную равноангельную память / на хартии чистей и нескверненней сердца своего. / Закон Владыки Христа Бога нашего написал еси не на дсках * каменных, / но на дсках сердца своего. / Бога прославил еси в брэнном телеси. / Ангелы удивил еси, человеки чудесы удивил еси. / О мне же, грешнем и недостойнем, оскверненнем и растленном умом, ходатай буди тепл в день последний, / да избавлюся твоими молитвами части шуия / и стану одесную Владыки, Христа Бога нашего, / еже ти принесох от великих малая, Антоние, помощниче теплый.

Богородичен: Возвеличим вси, Пречистая, Рождество Твое, Препетая, / иже из боку Твоею пройде Христос Бог наш, / избавив от прелести диаволи род человеческий, / мене же сохрани Своими молитвами, / еже принесох Ти от великих малая, Богородице Чистая.

Ин

Ирмос: Любити убо нам яко безбедное страхом / удобее молчание, / любовь же, Дэво, / песни ткати, спротяженно сложенные, неудобно есть: / но и, Мати, силу, елико есть произволение, даждь.

Подобает убо, преподобне, твою всечестную память торжествовати / и веселитися, Христа

* Дсках — досках каменных, скрижалях каменных.

сла́вяще, / И́же нам дарова́вшего свети́льника в
после́днем на́шем ро́де, / досто́йно хва́лим тя,
Анто́ние.

Прехва́льне Анто́ние, / помяни́ святу́ю оби́тель
сию́, и ста́до учени́к свои́х, / и мене́, убо́гаго и
недосто́йнаго раба́ твоего́ всем, преподо́бне свят-
че Бо́жий, / я́ко имееши дерзнове́ние ко Святе́й
Тро́ице, / Ея́же непреста́нно моли́ изба́вити тя
пою́щая вся́ких зол.

Преподо́бне Анто́ние, / в па́мять свою́, и́же
ве́рою ея соверша́ющих, / предсто́ящих ти, / да́руй
оставле́ние согреше́нием и от напа́стей и от бед
всех свободи́, / я́ко да просла́вится па́мять тво́я,
преподо́бне.

Богородичен: Пресвята́я Де́во, / бу́ди нам стена́,
и по́мощь, и заступле́ние, и Воево́да, / и Предста́-
тель кре́пок от враг на́ших, и ору́жие непобеди́мо, /
я́ко да прославля́ем во вся ве́ки, ами́нь.

Свети́лен, глас 5:

Огнемъ сия́ния Божество́ннаго ра́зума просвети́в-
ся Святы́я Тро́ицы, / тем ты и Христо́с, я́ко со́лнце,
на высоте́ поста́ви воздержáния, / осиява́ти всю
вселенну́ю чудесы́, / преподо́бнымъ похвала́, и от-
це́м красота́, / и наста́вникомъ удобре́ние, Анто́ние
Богодухнове́нне.

На хвалитехъ стихиры, глас 1.

Подобен: Прехва́льнии мученицы:

Прехва́льне Анто́ние, ты земля́ не пота́ила ест, /
но Не́бо ты прият, и отверзо́шати ра́йския
двэри, / и ны́не, внутрьъ дрéва животнаго насыща́-
яся, / Христо́ви моли́ся / дарова́ти душáм на́шим
мир и ве́лию мило́сть.

Преподо́бне Анто́ние, / кто не удиви́тся терпе́-
нию твоему́ и мѹжеству, / моли́тве же и посту́, и́же
сто́йкому твоему́ жити́ю, / вся бо, преподо́бне,
воспри́ятия ра́ди бѹдущия жѹзни, / я́ко о чужéм
телеси́ претерпева́я. / И ны́не, на Небесе́х со
А́нгелы предсто́я Христо́ви, / моли́ся дарова́ти
душáм на́шим мир и ве́лию мило́сть.

Преподо́бне и Богоно́сне Анто́ние, / храмъ Ду́ху
Пресвято́му был еси́, / и ра́ка тво́я полна́ чудесъ

явѣся, / ученицы бо твоѣ красуются ёю / паче
каменія прозрачна, и бѣсера, / и злата многоцѣн-
наго, / неоскудно бо подаваеши всем исцелѣнія. /
И ныне пред Престолом Владыки, всех Творца,
предстоиши, / Емѹ же молися / даровати душам
нашим мир и велию милость.

Ины стихиры, глас 8.

Подобен: Что вас наречѣм, святѣи:

Что ты нареку, Антоніе? / Херувим ли, яко на
тебѣ почилъ есть Христос? / Серафим ли, яко
непрестанно прославилъ еси Егo? / Ангела ли ты
нареку, яко ангельски пожилъ еси / и плоть свою
возненавидѣлъ еси? / Многа твоѣ чудеса, а больша
дарованія, / моли спастися душам нашим.

Что ты наречѣм, Антоніе прехвальне? / на земли,
яко бесплотен, пожилъ еси / и на Небеса взыде,
точѣши исцелѣнія, и твориши чудеса, / и отгони-
ши дѹхи лукавыя от человек. / Многа твоѣ чудеса,
а больша ти дарованія, / моли спастися душам
нашим.

Что ты нареку, Антоніе прехвальне? / кладязь
неизчерпаемый чудес, / море Божественнаго даро-
ванія, / жажду лютую утоляющее и сердца веселя-
щее, / тьму лютую от души отгоняеши невѣденія / и
просвѣщаеши вся свѣтом разума. / Многа твоѣ
чудеса, а больша дарованія, / молися спастися
душам нашим.

Слава, глас 7:

Приидите, иночествующихъ многочисленное по-
стникъ сословіе, днесъ / Антонія, добродѣтели
подражателя, / пѣсньми и пѣньми воспойм / и,
честную егo и многоцѣлебную и чудотворную раку
обстояще, / любѣзно облобызаем, глаголюще: / ра-
дуйся, преславне Антоніе, / отцемъ своимъ пресвѣт-
лымъ свѣтѣльниче; / радуйся, яко чистѣйшему Свѣ-
ту совокупився; / радуйся, яко Троицы предстоѣ со
Ангелы, / Ея же непрестанно моли о нас, соверша-
ющихъ святую память твою, / даровати душам
нашим мир и велию милость.

И ныне, Богородичен по гласу.

Любовию, иже ко святому, распалаем, сего ради написах вторую песнь, да аще, кто любит святого, глаголет в келлии, понеже на Соборе святыми отцы не уставлено, кроме Великаго Поста.

Глас 4

Песнь 2

Ирмос: Видите, видите, яко Аз есмь Бог, умерщвляй и животворяй.

Видите, видите, иже поживши Богоугодно Божови, / како и по смерти их Бог прославляет, / паче же блаженнаго отца нашего Антония, / иже в брэнном телеси просиявша, / отче блаженне, о нас буди к Богу ходатай и постное время настави небедно прейти, / да твоими молитвами, радуящеся, достигнем тридневнаго Воскресения.

Видите, како иже на земли подвижавшеся и плоть свою ни во что же вменивше / в суетней и временней сей жизни будущия ради жизни, / иже тех больми чудес Христос обогати, / кольми же паче блаженнаго отца нашего Антония Христос на земли чудесы прослави, / отче Антоние, постником удобрение.

Видите, видите чудотворца и блаженнаго отца Антония, / како на земли ангельски поживе и сего ради прием от Бога дар чудес /, исцеляти недуги и отгонити бесы, / Антоние многочислене.

Видите, видите, яко Аз есмь Бог, / от Девы воплотивыйся и родивыйся на спасение человеком, / да спасу мир от прелести, / на крест вознесыйся, и да видят языцы и разумют, / яко Аз есмь избавляяй, яко силен, областию Своею.

Ипакой, глас 6:

Христа Владыки пронаречения совершившася, / якоже рече Своими святыми усты иудеем: / яко отымется от вас Царствие Божие и дастся языку, творящему плоды его. / Войстинну нам дастся слово Божие, / спасение Российстей земли, иже преподобных отец плоды Богу принесшася, / Того, преподобне Антоние, Свету Невечернему последовал еси.

Стихира Евангельская, глас 6:

**Владыко Христос благовестует / и яве глаголет
всем: / вся Мне предана быша от Отца Моего. / И
кто весть, Кто есть Отец / и Кто есть Сын? /
Никтоже знает Сына, токмо Отец, / ни Отца кто
знает, токмо Сын, / и емуже аще волит Сын
открыти, / приидите ко Мне, вси труждающиеся и
обремененнии, / и Аз вы упокою, / иже Мене ради
взявше иго Моё благое, / и дарую сим Царство Моё
Небесное. / Тому молися, блаженне Антоние, /
спасти души наша.**

**Сия служба преподобнаго Антония, чудотворца новояв-
леннаго, иже Сийский наречётся. Списано бысть сие
многогрешным Иоанном Русинном, родом от племени ва-
ряжска, колена Августова, кесаря Римскаго, в лето 7087
(1579) в царство благочестиваго и христоролюбиваго госуда-
ря царя и великаго князя Иоанна Васильевича, всея
России, и по благословению Преосвященнаго Антония,
Митрополита всея России, и при благоверных царевичех
Иоанне и Феодоре Иоанновичех.**

Моли́тва

**О всеблаженне отче наш, преподобне Антоние,
теплый заступниче и помощниче с верою призы-
вающим тя, избави нас молитвами си ко Господу
от всякаго обстояния бесовскаго и изми нас,
окаянных и недостойных рабов твоих. О чудо-
творче Антоние, от уст пагубнаго змия, зияющаго
пожрети нас и свести во ад живых, прости нас,
отче, елико согрешихом ти, и исторгни нас от
греха и всякия напасти, приходящая грехов ради
наших. Подаждь душам нашим утешения, всади в
сердца наша страх Суда Божия и избави нас от
врагов наших, видимых и невидимых, тебе бо
имамы тепла молитвенника и заступника, иже в
бедах сущи и в грехи впавшия. Ты бо явися столп
благочестия, воздержания правило, смиренномуд-
рия образ, целомудрия наставник, убогим и сиротам
заступник и хранитель прибегающим к тебе.
Кто убо по достоинству может похвалити равно-
ангельное твоё житие и кто может изчести твоих
трудов подвижи и слезы ко Господу, воистинну яко
солнца светлейши возсияша твоя исправления.
Ревнитель бо бысть всех святых преподобных и
праведных и учитель духовный, поборник, и**

заступник, и молитвенник, Пресвятѣй Трѳице предстоѧ. Ты яко мир оставил еси и яже в мире, и нас в покаяние приведи ко Господу молитвами си, ѳтче всечестнѣйшій, да и мы сподобимся вѣчных благих, идеже наслаждаѣшия Небесныя славы желаемога Иисуса Христа, Истиннаго Бѳга нашего и Сладчайшаго Владыки и Господа всех. Емуже подобает всякая слава, честь и поклонѣние со Безначальным Егѳ Отцем и Пресвятѣм, и Благим, и Животворящим Егѳ Духом, ныне, и присно, и во вѣки веков. Аминь.

Преподобный Антоний Сийский родился в 1478 году в состоятельной и благочестивой крестьянской семье в 40 верстах от г. Архангельска, в селе Кехта. В Крещении назван в честь святого апостола Андрея Первозванного. Родители, Никифор и Агафия, переселились туда из Новгорода. Их старший сын Андрей отличался красотой, хорошим здоровьем, кротостью и необычайными способностями к учению и к «иконному писанию».

После смерти родителей в 1503 году Андрей поселился в Новгороде и поступил в услужение к боярину, своему родственнику, — человеку богобоязненному и доброму, и провел у него пять лет. Боярин любил Андрея за трудолюбие и женил на своей дочери. Через год скончалась жена, а затем скончался и тесть Андрея. Потерю близких он воспринял как знак воли Божией. Андрей возвратился в Кехту, раздал все состояние нищим и ушел в Преображенский монастырь, на реку Кену, к преподобному Пахомию (†1515; память в субботу по Богоявлению).

По пути в Пахомиеву пустынь ночью, во время отдыха, святому было видение: световидный старец, седой, в белых ризах, с крестом в руках, сказал: «Возьми крест свой и не бойся вступить на подвиг твой; подвизайся и не страшись козней дьявольских, ибо ты будешь муж желаний духовных и явишься наставником множества иноков». Осенив его крестом, старец сказал: «Сим обездай лукавых духов», — и исчез. Остаток ночи Андрей провел в молитве и утром пришел в монастырь. Вскоре, в 1508 году, он принял от



преподобного Пахомия постриг с именем Антоний, в честь преподобного Антония Великого (†356; память 17 января). Под руководством преподобного Пахомия он усердно выполнял все послушания и менее чем через год был рукоположен в священник сан архиепископом Новгородским.

По возвращении из Новгорода преподобный Антоний подвизался в воздержании. Много времени он проводил в больнице, помогал больным и беспомощным, исполнял земледельческие работы. Почувствовав, что он готов к подвигу уединения, святой

Антоний испросил у преподобного Пахомия благословение и совета о пустынножительстве и с двумя иноками — Александром и Иоакимом — поселился близ речки Шелексы, у Черного порога, где провел 7 лет.

Число иноков увеличивалось. Они построили деревянный храм во имя святителя Николая, Чудотворца, и келлии. Местные жители всячески противились пребыванию преподобного Антония и его учеников и изгнали их. Много исходили иноки, прежде чем достигли местности уединенной, тихой и красивой, словно избранной Богом для обители, где звероловы задолго до их прихода часто слышали звон колоколов и пение иноков. Привел их туда местный житель зверолов Самуил. Здесь, на полуострове Михайловского озера, при впадении в него реки Си, в 1520 году преподобный Антоний основал новый монастырь.

В 1544 году святой послал в Москву к великому князю Василию Иоанновичу двух сподвижников — Александра и Исаию — с просьбой узаконить новую обитель и даровать для нее землю. Ходатайство было удовлетворено, и иноки построили деревянный храм во имя Живоначальной Троицы. Храмовую икону Святой Троицы преподобный писал вместе с другим иконописцем, своим сподвижником.

Вскоре, во время пожара, церковь сторела. Икона чудесно уцелела и была найдена в стороне от пожарища. Преподобный вновь начал строить храм во имя Живоначальной Троицы и две других церкви — в честь Благо-

вещения Пресвятой Богородицы и во имя преподобного Сергия Радонежского. От иконы Святой Троицы, письма преподобного Антония, больные получали исцеления. Поставленный игуменом обители, святой ходил на работы в лес, на пашню, показывая братии пример трудолюбия, не оставляя иконописания. Чтобы избежать известности, преподобный удалился в уединенное место, где в трудах и молитве провел два года. Здесь открылся его дар прозорливости: святой обличил инока в тайном желании покинуть обитель и увещевал не делать этого. Инок раскаялся. По просьбе братии преподобный вновь принял игуменство в своей обители и только перед самой кончиной снова удалился, чтобы пребывать в безмолвии и молитве. Ученикам и сподвижникам он оставил устав иноческой жизни и большую по тому времени библиотеку.

Утром 7 декабря 1556 года преподобный Антоний мирно почил о Господе.

Житие и служба преподобному Антонию Сийскому составлены в 1577—1578 гг. иеромонахом Сийской обители Ионой. В 1597 году царевич Иоанн, сын Иоанна Грозного, составил житие и службу святому. В 1578—1579 годах, во время настоятельства игумена Питирима (1575—1597), преподобный Антоний причислен к лику святых.

Преподобный Антоний является покровителем иконописания. После преставления святого многие иконы его письма распространились по Архангельскому краю.

В
ТОЙЖЕ
ДЕНЬ



Преподобнаго отца нашего Нила, иже на озере Селигере, на острове, зовомом Столобное

НА МАЛОЙ ВЕЧЕРНИ

Стихиры, глас 1.

Подобен: Небесных чинов:

Наста, Богоносе, / солнца светлейший твой
праздник, / озаряет приходящая к тебе ве-
рою, / и безсмертием облагоухает, / и душам исто-

чаёт исцеление, Ниле преподобне, / молитвенниче о душах наших.

Чувственные страсти телесныя / укротив воздержания бродами, чудодейственниче Ниле, / и, ревность Безплотных во плоти показав, / вся плотская желания духови повинул еси. / Тем ныне в Небесных селениях водворяясь, / моли о душах наших.

Блаженне Ниле, / основание положив добродетелей / и ветхаго человека совлекся с похотью, / во Христа облекся еси воистинну. / Тем и победил еси, преподобне, / многая врагов ополчения, / наставник монахом быв, / моли спастись душам нашим.

Слава, глас 8:

Преподобне и Богоносе отче наш Ниле, / ты усердно в пустыни подвизался еси, / любви ради Господа своего и воздаяния ради, / еже со всеми святыми будущих Его благ, / и житием своим постническим, / яко Ангел на земли, человеки удивил еси, / бесы же и всю силу их устрашил еси, и востающия на тя злотворцы, / немилостивыя разбойники помощью Божиею посрамил еси. / И ныне, преподобне, угодниче Христов, / отче наш Ниле, / моли о нас всемилостиваго Бога / подати мир миру / и душам нашим велию милость.

И ныне, Богородичен.

На стиховне стихиры, глас 2.

Подобен: Доме Евфрафов:

Дом и селение Отцу Безначальному был еси, / преподобне Ниле, отче наш, / Того моли подати мир Церкви Его / и душам нашим велию милость.

Стих: Честна пред Господем / смерть преподобных Его.

Дом и обитель Безначальнаго Отца / Единородному Сыну был еси, / преподобне Ниле, отче наш. / Того моли душам нашим подати велию милость.

Стих: Блажен муж, бойся Господа, / в заповедех Его восхощет зело.

Дом и жилище Духу Пресвятому был еси, / преподобне Ниле, отче наш. / Того моли подати мир всему Православию / и душам нашим велию милость.

Слава, подобен тойже:

Дом и пребывание Пресвятей и Безначальной Троице был еси, / преподобне Ниле, отче наш. / Юже моли мир обители твоей подати / и душам нашим велию милость.

И ныне, Богородичен. Подобен тойже:

Дом и храм прекрасен воздвиген во обители твоей, преподобне, / в похвалу и славу Пресвятей Богородице Марии. / Юже моли, преподобне отче наш Ниле, / подати душам нашим велию милость.

Тропарь писан на велицей вечерни

Слава, и ныне, Богородичен: Ёже от века утаенное:

НА ВЕЛИЦЕЙ ВЕЧЕРНИ

Поём Блажен муж: 1-й антифон. На Господи, возвах: стихиры на 8, глас 4.

Подобен: Яко дбля:

В пустыню достигл еси, / преблагим Богом наставляемь, преподобне отче Ниле, / яко древо, при водах насажден, / день и ночь поучаяся в законе Господни, / плоды воздержания принесл еси Всесвятей Троице, / Юже, преподобне, моли / верою притекающим к раце мощей твоих / благодать исцеления даровати, / и спасти, и просветити души наша.

В пустыню вселився, / преблагим Христом Богом наставляемь, / преподобне отче Ниле, / в нейже, яко древо при водах, насадився / и в законе Господни поучився день и ночь, / плоды духовныя принесл еси Христу Богу. / Егже моли о притекающих с верою к раце мощей твоих / благодать исцелений даровати, / и спасти, и просветити души наша.

В пустыню водворился еси / благодатию Христа Бога, / преблаженне отче Ниле, / в нейже, яко лоза благоплодная, / при водах насажден еси, / плоды Христу Богу принося / и к жизни вечней / наставляя верою празднующих честную память твою, / моли Христа Бога / от тли и бед избавитися нам, / и спасти, и просветити души наша.

Слава, глас 8:

Преподобне отче Ниле, / ты в законе Господни день и ночь поучився, / достоин быв древа животнаго ветвь быти, / и плод твой страданьми и венцы процвете, / дерзновение имея к Подвигоположнику Христу Богу, / проси и нам очищения грехов и велия милости.

И ныне, Богородичен: Царь Небесный:

Вход, прокимен дне и чтения 3 (зри страницы 151—153)

На литии стихиры, глас 8:

Радуйся, светильниче пресветлый, / преподобне и Богоносе отче наш Ниле, / ты на земли, яко безплотен, пожил еси, / постом и молитвою Бога себе милостива сотворил еси / и дар от Него прозрения и пророчества приял еси, / и по представлении чудеса от святых мощей твоих, / яко от источника, преизобильно источаются, / и с верою приходящие, / различными недуги одержимии, исцелеваются. **И ныне, преподобне отче наш Ниле,** / моли о нас Христа Бога / подати мир миру / и душам нашим велию милость.

Радуйся, Российския земли светило незаходимое, / преподобне отче наш Ниле, / ты в пустыни тринадцать лет / Господа ради своего терпеливо подвизался еси, / и плотския страсти воздержанием своим умертвил еси, / и в ней, много пострадав / от начальника злобы, губителя врага, / с ним мужественно брался еси, / и помощью Божию, и своею к Богу теплою верою / все его злокознство, яко паучину, до конца расторгнул еси, / и посрамил еси всеильною помощью Пречистой Богородицы / пришедшия на тя злыя разбойники, / и ныне, преподобне отче наш Ниле, / не престай о нас моля Христа Бога / даровати мир миру / и душам нашим велию милость.

Радуйся, преподобне отче наш Ниле, / ты на остров Столобное, / яко на облак, радуясь, возшел еси / и на нем молитвою и постом, / чистотою и благоговением, / смирением и беззлобием и всеми добродетельми, / яко Ангел, подвизался еси во временней сей жизни: / двадцать бо и семь лет препроводил еси, / совершая заповеди Господни /

и устрояя себѣ на Небесѣх палаты нерукотворены и вѣчны, / о нихже речено бысть: / ихже око не виде, и ухо не слыша, / и на сердце человеку не взыдоша, / яже уготова Бог любящим Его; / а може и преселился еси к вѣчным обителем онем, / и прият тя Господь с праведными, / ихже житию последовал еси. / Рака же и святѣя мѡщи твоѣя, яко море, / с верою приходѣщим неоскудно исцелѣния изливають, / и мнози многия и различныя цельбы приѣмлют: / слепии прозирают, глушии слышат, / слукія* исправляются, прокаженнии очищаются, / немии благоглаголиви бывають, / беси же от человек молитвами твоими отбѣгают. / И ныне, преподобне отче наш Ниле, / не престаи моляся Христу Богу / о стаде и о обители своѣй / и душам нашим подати мир и велию милость.

Слава, глас 8:

Что ти принесем, преподобне, / яко неоскудно изливаеши требующим благодать? / ибо тело твоѣ, отче, / чистоты жилище показася. / Тем и, посещением Святаго Духа озарившеся, / нетленно в наше благословѣние соблюдается, / благодатных лучсияний исполнено, / ихже бесове не терпят зрѣти, далече отбѣгают, / данныя ти благодати трепещут, / ихже от душ наших и телес отжени, молимся, / и ненаветны нас присно соблюди / от тех лаяния твоими молитвами.

И ныне, Богородичен: Радуйся, вселенная Похвало:

На стиховне стихирѣ, глас 8.

Подобен: О, преславнаго чудесе!

Преподобне и Богоносе отче наш Ниле, / ты от юности отверглся еси мира и сродник своих / и приял еси образ Ангельский иноческаго жития / во обители святаго апостола и Евангелиста Иоанна Богослова / и преподобнаго отца нашего Саввы, / яже в Крипцах, / и в ней подвизався смирением и послушанием, / яко добрый воин Христов. / Того о нас моли, преподобне, со святѣими сими / подати грехов оставление / и душам нашим велию милость.

* Слукія — скорченные

Стих: Честна́ пред Го́сподем / смёрть преподобных Его́.

Преподо́бне и равноа́нгельне о́тче наш Ни́ле, / ты, от ю́ности Христа́ возлюбив, / и лёгкое и́го Его́ на ся восприя́л еси́, / и невозвратным по́мыслом послéдовал еси́ стопáм Влады́ки своего́, / и прия́л еси́ от Него́ трудо́м своимъ воздая́ния, / е́же с Нимъ пребыва́ние, и со а́нгелы ликова́ние, / и со все́ми свята́ми ра́дование; / Того́ моли́ о нас, преподо́бне, / пода́ти грехо́в прощэ́ние / и душа́м на́шим ве́лию ми́лость.

Стих: Блаже́н муж, боя́йся Го́спода, / в за́поведех Его́ восхо́щет зело́.

Преподо́бне и Богому́дре о́тче наш Ни́ле, / ты Христа́ ра́ди от ю́ности в пусты́ню всели́лся еси́, / и в ней, я́ко безплóтен, на стра́сти плотскія подви́зался еси́ / постóм, и моли́твою, и свята́м смире́нием, / и нача́льника зло́бы, врага́, / с кова́рствы его́ до конца́ низложи́л еси́, / и ны́не, преподо́бне, предсто́я у Престо́ла всех Ца́ря, / моли́ся о почита́ющих свяще́нную и многора́достную па́мять твою́ / пода́ти грехо́в оставле́ние / и душа́м на́шим ве́лию ми́лость.

Сла́ва, глас то́йже:

Мона́хов мно́жества, / наста́вника тя почита́ем, о́тче наш Ни́ле: / твоёю бо стезе́ю войсти́нну пра́во ходи́ти позна́хом. / Блаже́н еси́, Христа́ раба́тав, / и вра́жию обличи́л еси́ си́лу, / а́нгелов собесéднице, преподо́бных соприча́стнице и пра́ведных; / с ними́же моли́ся Го́споду / поми́ловатися душа́м на́шим.

И ны́не, Богоро́дичен: Безневéстная Де́во:

На благослове́нии хле́бов тропа́рь свята́го два́жды и Богоро́дице Де́во: еди́ножды.

Тропа́рь, глас 4:

Я́ко свети́льник все́светел, / яви́лся еси́ во о́строве Селиге́ра э́зера, / преподо́бне о́тче Ни́ле, / ты бо, крест Христа́ от ю́ности свое́я на ра́мо взем, / усéрдно Тому́ послéдовал еси́, / чисто́ю Бо́гови прибли́жився, / отону́дуже и чуде́с дарова́нием обогати́лся еси́. / Тем и мы, притека́-

юще к раце мощей твоих, умильно глаголем: / отче преподобне, / моли Христа Бога / спастися душам нашим.

НА УТРЕНИ

На Бог Господь: тропарь преподобному дважды. Слава, и ныне, Богородичен.

По 1-м стихословии, седален, глас 4.

Подобен: Скоро предвари:

Званию Господа своего последовал еси, / мир оставив, и вся, яже в мире, красования, преблаженне Ниле, / претерпел еси усердно пустынное озлобление, / полки же бесовския победил еси мужески; / темже память твою присно восхваляем песньми верно.

Слава, и ныне, Богородичен:

Обновила еси, Чистая, Божественным Рождеством Твоим / истлевшее страстьми земнородных существ / и возставила еси от смерти к жизни нетления. / Темже Тя по долгу блажим вси, Дево Препрославленная, / якоже прорекла еси.

По 2-м стихословии, седален, глас 5.

Подобен: Собезначальное Слово:

Постника Господня песньми почтим, / яко умертвивша вся прилоги страстей / воздержанием твердым и крепким терпением воистинну, / и посрамивша зело сопротивнаго всю гордыню, / и ныне молящаяся Господеву помиловатися душам нашим.

Слава, и ныне, Богородичен:

Страшно чудо зачатия и несказанен образ Рождества / в Тебе познася, Чистая Приснодево, / ужасает ми ум и удивляет помышления; / слава Твоя, Богородице, всем простресе на спасение душ наших.

По полиелее седален, глас 1.

Подобен: Гроб Твой, Спасе:

Погребл еси страстей все востание умерщвлением плоти, священный отче, / жизнь безконечную по смерти приял еси; / темже днесь Христова Церковь / празднует твою досточудную память, преподобным украшение.

Слава, и ныне, Богородичен:

Настави нас на путь покаяния, / уклоняющихся
присно к безпутиям зол и Преплагаго Бога прогне-
вающих, / Неискусобрачная Благословенная Ма-
ри́е, / прибежище отчаянных человеков, Божие
селение.

**Степенна, 1-й антифон 4-го гласа. Прокимен,
глас 4: Честна пред Господем: Стих: Что воздам
Господеви о всех: Всякое дыхание: Евангелие от
Матфея, зачало 43.**

По 50-м псалме, стихира, глас 8:

Преподобне отче Ниле, / мира красоты и пищи
сладостныя возненавидев, / иноческое житие паче
возлюбил еси / и, Ангелом собеседник быв, / све-
тильник многосветлый явился еси / чудесми, яко
солнце, сияя. / Тем всех нас поминай, / совершаю-
щих священную память твою: / мы бо чада твоя /
и овцы словесных ти учений / и ты на помощь
призываем, / просяще тобою прияти мир и велию
милость.

**Канон Богородицы, со ирмосом на 6, и святому
един канон, на 8, глас 4.**

Песнь 1

**Ирмос: Отверзу уста моя, / и наполнятся Духа, / и
слово отрыгну Царице Матери / и явлюся, светло
торжествуя, / и воспою, радуясь, Тоя чудеса.**

Смирился еси Христа ради, отче Ниле, / и, крест
взем, отчества и сродник бегал еси; / отнюдуже в
пустыню вшед / и в ней трудолюбно подвизался
еси, преподобне.

От юности своея, отче Ниле, ум к Богу вперив, / и
тленными нетленная, яко добрый купец, икупил
еси, / темже, ныне сошедшися, память твою почи-
таем.

Христовым рачением, отче Ниле, паче огня
распалаемь, / настоящая, яко ничтоже сущи, през-
рел еси, / и того ради в покое вселися, / идеже
праведных души веселятся.

**Богородичен: Боляща исцели душею же и телом,
Владычице, / раба Твоего блаженнаго Нила моле-**

нием:/ Тебѣ бо Предстательницу вси сущии в печалех стяжахом,/ яко рождшую Спасение наше.

Катавасия: Христос раждается:

Песнь 3

Ирмос: Твоя песнословцы, Богородице,/ живый и независтный Источник, / лик себе совокупльшия, духовно утверди,/ в Божественной Твоей славе / венцев славы сподоби.

Сна твоим очесем не дал еси, блаженне Ниле, ни веждом дремания, / дондеже сподобился еси праведных селения, / яже уготова Бог любящим Его.

Бодренными твоими молитвами, отче Ниле, / и жестоким воздержанием Богу на земли добре угодил еси, / и сего ради быв страшен врагом и славен человеком.

Райскую жизнь и тамо святым веселие / всегда во уме своем помышляя, преподобне, / темже во слезах и в воздыхании всю жизнь свою, отче Ниле, прошел еси / и сего ради по смерти от Христа чудесы прославися.

Богородичен: Источаеши исцелением струи болящим, Дево, всюду:/ Тя бо источник показа исцелений, Владычице, / Иже милости Господь, из Тебе рождейся паче ума.

Седален, глас 4.

Подобен: Скоро предвари:

Страстное покорил еси плотское мудрование / и худшее поработил еси лучшему, отче Ниле преславне, / сокрушил еси бесовския козни постом / и возсиял еси в мире, яко луча солнечная, / сиянии твоих добродетелей: / сего ради ты воспеваем.

Слава, и ныне, Богородичен:

Стена непобедимая нам, христианом, еси, Богородице Дево, / к Тебе прибегающе, невредими пребываем / и, паки согрешающе, имама Ты Молитвенницу. / Тем, благодаряще, вопием Ти: / радуйся, Благодатная, Господь с Тобою.

Песнь 4

Ирмос: *Седяй в славе на Престоле Божества / во облаце легце, / прииде Иисус Пребожественный / Нетленною Дланию и спасе зовущия: / слава, Христэ, силе Твоей.*

Житиё своё, отче Ниле, чудно на земли показал еси, / велико пощение и смирение, / и сего ради на Небесех жизнь вечную наследовал еси; / моли спастися от бед поющим тя.

Симео́на великаго, на столпе жившаго, житию следуя, преподобне, / темже того, елико мощно, именованіе от жития стяжал еси, / Ниле пребогате.

Постом и молитвами тело твоё, отче Ниле, изнурил еси / и сего ради сподобился еси видети неизреченная благая, яже святым уготована, / с нимиже, отче Ниле, о нас молися.

Богородичен: *Покров, и заступление, и прибежище буди ми, Дево, рабу Твоему, / исцели мя от безмерных зол, воспевати, Пречистая: / слава Рождеству Твоему.*

Песнь 5

Ирмос: *Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.*

Чисто житиё твоё от юности потщался еси, преподобне, сохранить; / темже, чистоту твою видев, / Пресвятый Дух в тя вселися.

Яко преобидев тленная, / вечная, отче, сподобился еси прияти по неложному словеси: / просите и примете. / Темже, яко просил, сия по достоинству приял еси.

Место освятися, на немже честныя мочи твоя положишася, преподобне, / и по многим странам прославляемо есть, / яко в себе мочи твоя имущее.

Богородичен: *Не престай молящи, Егоже родила еси, Богоневесто, / яко Спаса и Владыку, / разре-*

шение ми подати скорбей и болезней облегчение, /
яко да приму прощение, песнослова Тя во
веки.

Песнь 6

Ирмос: Божественное сие и всечестное / совер-
шающе празднество, / Богомудрии, Богоматере, /
приидите, руками восплещим, / от Нея рождшаго-
ся Бога славим.

Твое великое житие и чистоту, / к сим же без-
мерное смирение провидев, Пресвятый Дух /
славна ты, отче, показав; / темже, от сего жития ко
оному прешед, / получил еси с праведными тамо
веселие.

Днесь наставши, священная память твою, препо-
добне Ниле, / веселит ученики твою, воспевающия
любвию подвигов твою, / иже, честное твоё успе-
ние славяще, торжествуют, / иже молитвами тво-
ими, отче, соблюди.

Разбойницы иногда приидоша тебе оскорбити,
преподобне, / но ты, тех лукавство разумев, /
Превечнаго Христа Бога силою и Пречистыя Его
Матере помощию / сих немощны сотворил еси, /
иже, не могуще тебе противитися, страхом отбего-
ша, / побеждены паче бывше, нежели победилша.

Богородичен: Твою помощь даждь ми / и избави
мя от бед, и скорбей, и прегрешений моих, / Яже
всех рождши Избавление.

Кондак, глас 8:

О тчества, преподобне, удалився, / в пустыню
вселился еси, / и, на остров Селигера озера
возшед, / жестоко житие показал еси, / и, многих
добродетельми удивив, / дарования чудеса от Хри-
ста приял еси. / Поминай нас, чтущих память твою,
да зовем ти: / радуйся, Ниле, отче наш.

Икос:

Возлюбив, преподобне, Христовы Божествен-
ныя заповеди / и возненавидев мира сего наслаж-
дение, / притекл еси усердно к Тому / и был еси
свотильник, просвещающий концы блистанием ду-

хóвным. / Тем, припада́я, молю́ тя: / просвети́ ми
о́чи серде́чныя воспéти тво́я по́двиги, / поще́ние,
бде́ние, слéзы, боле́зни, изну́рение те́ла / блаже́н-
ны́я ра́ди бу́дущя жи́зни, / ея́же ны́не наслажда́-
яся, моли́ непреста́нно о всех нас.

Песнь 7

Ирмо́с: *Не послужи́ша тва́ри Богому́дрии / па́че
Созда́вшаго, / но, о́гненное преще́ние му́жески
попра́вше, / ра́довахуся, пою́ще: / препе́тый отце́в
Госпо́дь и Бог, благослове́н еси́.*

Источа́ет чудеса́ честна́я ра́ка тво́я, преподо́б-
не, преизоби́люющи благода́тию, / ве́рою приходя́-
щим здра́вие да́рует, / Христу́ от души́ вопию́щим: /
благослове́н Бог отце́в на́ших.

Дре́вних о́нех и вели́ких отце́в, в постé просия́в-
ших, / жити́ю подо́бся, преподо́бне, / в пусты́ню
всели́лся еси́ / и та́мо в поще́ниях мно́га ле́та
пребы́л еси́, Ни́ле, о́тче наш.

Я́ко и́стиннаго и крóткаго Пасты́ренача́льника
Христа́ / незло́бное овча́, о́тче Ни́ле, был еси́. /
Те́мже незло́бив хотя́щим тебе́ озло́бити яви́лся
еси́, Христу́ вопия́: / благослове́н Бог отце́в на́ших.

Богоро́дичен: *Обощре́ны боле́зни ра́нам мо́им /
от безме́рных мо́их прегреше́ний, Влады́чице, /
веду́т в сме́рть душе́вную и теле́сную, / но исхити́,
я́ко си́льна, вся́ких скорбе́й и недуг.*

Песнь 8

Ирмо́с: *Отроки благочестивы́я в пе́щи / Рожде-
ство́ Богоро́дичо спасло́ есть; / тогда́ у́бо образу́-
емое, / ны́не же де́йствуемое, / вселе́нную всю
воздвиза́ет пéти Тебе́: / Го́спода по́йте, дела́, / и
превозно́сите Его́ во вся ве́ки.*

Издéтска, преподо́бне о́тче, потща́лся еси́ / сво́ю
со́весть и се́рдце с душе́ю чи́сто Го́споду предста́-
вити. / Тем и Христо́с чудесы́ тебе́ прославля́ет,
тому́ вопию́ща: / Го́спода воспева́йте, дела́, и
превозно́сите Его́ во ве́ки.

Ны́не пусты́ня весе́лием красу́ется, о́тче, / иму́-
щи мо́щи тво́я в себе́, Ни́ле преподо́бне, / учени́цы
же тво́й, твоему́ жити́ю ревну́юще, / о тво́ей па́мяти

ра́дующеся, Творцу́ вопи́ют: / Го́спода воспева́йте, дела́, и превозно́сите Его́ во ве́ки.

В пусты́ню, преподо́бне, иде́же селéние имéл еси́, / пречéстен храм во сла́ву Богоявлéния Господня́ воздв́игл еси́, / в нёмже прославля́ется пречистое Того́ Имя, и вси вопи́ют: / Господа воспева́йте, дела́, и превозно́сите Его́ во ве́ки.

Богорóдичен: Свети́льник Свéта Трисóлнечнаго сýщи, / зарéю благоутрóбия Твоего́ тьму отъими́ прегрешéний мо́их, Богороди́тельнице, / избавлéние нýжных болéзней пода́ющи / véрою превозно́сющему пречистое Твое́ Рождество́.

Песнь 9

Ирмо́с: *Всяк земнорóдный / да взыгра́ется, Ду́хом просвещáемь, / да торжествúет же Безплóтных умóв естество́, / почита́ющее священное торжество́ Богомáтере, / и да вопиét: / ра́дуйся, Всеблаже́нная Богорóдице, / Чы́стая Присноде́во.*

Богáтство и пи́ща, похвала́ и ра́дость преподо́бным еси́, Христé Бóже, / Его́же возлюб́ив, преподо́бный Нил / вся, я́же в ми́ре красная, нивочто́же вмени́; / тёмже наслажда́ется Твоея́ красоты́ во блаже́нном Свéте.

Страс́тми колéблющихся и бурею грехóвною погружа́емых, / я́ко дерзнове́ние имéяй ко Го́споду, всегда́ сохраня́й, / благоче́стно тя воспева́ющих и прославля́ющих.

Облиста́в зарéю, просия́л еси́ духо́вно / и яви́лся еси́ Вь́шнему ликостоя́нию светел; / озари́ ми ум, блаже́нне, Трисия́нным Свéтом Божества́ / и от страстéй мя изба́ви моли́твами тво́ими.

Богорóдичен: Ты еси́ ве́рным похвала́, Безневéстная, / Ты заступлéние и священное прибе́жище христиáном: / к Сы́ну бо Своему́ и Бóгу мольбы́ но́сиши, Всенепорóчная, / и от бед спаса́еши / véрою и любóвию Богорóдицу Чы́стую Тя воспева́ющих и велича́ющих.

Свети́лен.

Подóбен: Не́бо звезда́ми:

Постóм течéние твоé соверши́в, / на Небеса́ возше́л еси́ и Христú́ Бóгу предсто́иши. / Ни́ле, óтче преподо́бне, / за ны моли́ся, тёпле пою́щих тя.

Сла́ва, и ны́не, Богоро́дичен:

Ра́дость неизрече́нную ро́ждши, Го́спода, / ра́до-
сти Небе́сныя прича́тников всех нас сотвори́, /
Тебе́ почита́ющих, Пречи́стая, и от души́ вопи-
ю́щих Ти: / не забу́ди Твоя́ рабы́, Благосло́венная
Ма́рие.

На хвали́тех стихи́ры, глас 4.

Подобен: Дал еси́ зна́мение:

Светле́йши со́лнца проси́я / всепра́зднственна́я
па́мять твоя́, преподо́бне, / луча́ми блиста́ющи
твои́х добродете́льных дея́ний / и озаря́ющи ве́р-
ных чу́ства / све́том чуде́с твои́х; / си́ю у́бо
пра́зднующе, / ра́достно тя восхваля́ем и ве́рно
ублажа́ем.

Якоже А́нгел, на земли́ пожи́л еси́, / воздержани-
ем те́ло твоё увяди́в, сла́вне, / бде́нием же и
па́мятию сме́ртною / к верхо́вному Богомы́слию
возше́л еси́. / Тем и прибли́жился еси́ к Само́му
Краеуго́льному Ка́меню — Христу́, Бо́гу на́шему.

Стра́сти телесны́я / приле́жным моле́нием к
Бо́гу / и воздержанием укроти́л еси́, / зми́я льсти́ва-
го слезны́ми пото́ки умертви́л еси́, / о́тче преподо́б-
не, / и угоди́л еси́ Бо́гу па́че ине́х, досточудне; / тем
тя украси́ небесны́ми дарова́ньми / Иису́с Челове-
колю́бец и Спас душ на́ших.

Сла́ва, глас 5:

Преподо́бне о́тче Ни́ле, / глас Ева́нгельский
Госпо́день услы́шав, / ми́ра оста́вил еси́ красоту́, /
бога́тство и сла́ву нивочто́же вмени́л еси́, / всем
вопи́я, глаго́ля: / возлюбите́ Бо́га и обря́щете
благода́ть ве́чную, и ничто́же предпochtíte, па́че
любве́ Его́, / да егда́ при́дет во сла́ве Сво́ей, /
обря́щете поко́й со все́ми святы́ми, / ихже моли́тва-
ми, Христе́, / сохрани́ и спаси́ ду́ши на́ша.

И ны́не, Богоро́дичен:

Блажи́м Тя, Богоро́дице Де́во, / и сла́вим Тя,
ве́рнии, по до́лгу град непоколеби́мый, стéну
необори́му, / твёрду Предста́тельница / и прибе́жи-
ще душам на́шим.

Славосло́вие вели́кое. И отпу́ст.

НА ЛИТУРГИИ

Блаженны от канона святого, песни 3-я и 6-я. Прокимен глас 7: Честна пред Господем / смерть преподобных Его. Стих: Что воздам Господеви о всех: Апостол к Коринфяном, зачало 176. Аллилуия, глас 6: Блажен муж, бойся Господа: Евангелие от Луки, зачало 24. Причастен: В память вечную:



Преподобный Нил Столобенский (XV—XVI вв.) родился в Новгородской земле, в Жабенском погосте Деревской пятины. Иноческий путь святой подвижник начал в 1505 году в обители преподобного Саввы Крыпецкого (†1495; память 28 августа) близ Пскова. Постническим подвигом и послушанием он снискал благоговейное отношение братии. Но, чтобы «не принять почтение от подобных себе человек», преподобный Нил пожелал уйти в уединение. Получив благословение игумена, он нашел безлюдное место близ реки Черемхи Ржевского уезда. Там преподобный Нил прожил 13 лет, питаясь травами и желудями. Все время он проводил в непрестанной молитве. Пришедшие к нему однажды со злым умыслом

разбойники были уstraшены видением множества воинов позади святого, вышедшего к ним навстречу с Владимирской иконой Божией Матери. Слава о подвижнике постепенно распространилась в окрестных селениях. Он стал усердно молить Пресвятую Богородицу указать ему иное место для пустынных подвигов.

Однажды в полусне он услышал голос, повелевавший ему идти на остров Столобное, что на озере Селигере, недалеко от г. Осташкова. Преподобный нашел указанное место, выкопал себе пещеру, а затем срубил келью, в которой и подвизался 27 лет, пребывая в борениях с нечистой силой. Здесь он усилил подвиги поста и молитвы. Святой никогда не ложился для сна, но отдыхал, оперевшись на деревянные крюки, вбитые в стену.

На Столобном острове, по молитвам преподобного Нила, вновь совершилось чудо от иконы Богоматери, находившейся в его келье и являвшейся для святого главным сокровищем. Разбойники, напавшие на него, были ослеплены исходящим от образа сиянием. И только после чистосердечного раскаяния и молитвенного предстательства чудотворца они вновь обрели зрение.

Неутомимый воитель с миром страстей, преподобный Нил был очень чуток к красоте Божьего мира. Житие повествует, что, придя на остров Столобное, покрытый сосновым бором и «всяким лесом и ягодищем», святой нашел его «велим красным» и возрадовался «о обретении такового места и возлюбил е зело». Неслучайно многие чудеса, совершенные преподобным Нилом как при жизни, так и по преставлении, связаны с «прещением» лихоедем из дровосеков, покушавшимся на заповедный лес. Многие годы резной образ

подвижника стоял святым стражем истока великой русской реки Волги в деревянной часовне на краю деревни Волговерховье.

Незадолго до преставления преподобный Нил вырыл в устроенной им часовне могилу, «и гроб истеса, и в землю постави, и приходяще и плакаше над ним умильно». Промыслом Божиим и по молитвам Преподобного перед его блаженной кончиной к нему прибыл игумен близлежащего Николо-Рожковского монастыря Сергей со Святыми Дарами. Ему преподобный Нил предсказал, что на острове будет устроена обитель. По преставлении преподобного Нила (†7 декабря 1554) его святые мощи были положены в гробницу игуменом одного из новгородских монастырей Анто-

нием и иноком Николо-Рожковского монастыря Германом. Последний совместно со странником Борисом Холмогорцем воздвиг над ними церковь Богоявления с приделом во имя святого Василия Блаженного и положил начало обители, украсившейся впоследствии многими храмами и гранитными набережными.

Почитание преподобного Нила постепенно распространилось за пределы Селигерского края по всей России. В 1845 году пустынь его имени была основана даже в Саянских горах, в долине реки Ихе-Угун.

27 мая 1667 года мощи преподобного Нила были обретены нетленными. Ныне мощи угодника почивают в церкви в честь иконы Божией Матери «Знамение» в городе Осташкове.

